



2(395)
31.01.2015

Հրատարակվում է
1999թ. սեպտեմբերից

Ճանաչել զինասարություն և զխրատ, իմանալ զբանս հանճարոյ

ԼՍԱՐԱՐ

Лусарар

ԳԻՏԱԿՐԹԱԿԱՆ ԹԵՐԹ

Lusarar

ՄԵՐ ԱՆՎՏԱՆԳՈՒԹՅԱՆ ԵՐԱՇԽԱԿՈՐԸ

(Հայկական բանակ-23)

... Ո՞րն է հայ զինվորականի ստացած դասը Ցեղասպանությունից անցած 100-ամյա հեռավորությունից: Միջազգային մարդասիրական իրավունքները, առաջատար երկրների ստանդան մարդու իրավունքների պաշտպանությունը, պետությունների միջև ուժի կիրառման դատապարտումը և նման սկզբունքները հրաշալի են ու աննման, մենք լիովին կիսում ենք դրանք ու մեր համերաշխությունը հայտնում, բայց մեր ժողովրդի անվտանգության լավագույն երաշխիքը Ազգային բանակն է՝ անըողջ հայության միասնությամբ զորացած:

... Պատմության մեջ երբեք չի եղել տևական մի ժամանակաշրջան, երբ մեր ազգը խաղաղ ու անվտանգ ապրած լինի: Միշտ էլ եղել ու լինելու է պայքար մեր պետության, մեր ժողովրդի, մեր նվիրական արժեքների համար: Այս բարդ տարածաշրջանում, ուր հազարամյակներ շարունակ ապրել ենք, կերտել ու արարել, անվտանգության խնդիրները, ցավոք, մշտապես օրակարգում են լինելու: Սա պիտի գիտակցենք մեկընդմիջ: Այս պարագայում իր դարավոր բնօրրանում ապրող հայ ժողովրդի խաղաղության երաշխիքը առաջին հերթին Համաժողովրդական բանակի վերածվելու ունակությունը պետք է լինի: Համաժողովրդական բանակ: Ասել է թե՛՝ յուրաքանչյուր հայ պիտի իրեն զգա այս մեծ, համահայկական ուժի մասին: Համաժողովրդական բանակի վերածվելու համար են երկու բանաձև են առաջարկում:

Առաջին: Մենք, որպես հիմք՝ ունենք x և y քվադրատներով զորքեր հայկական երկու պետություններում: Այդ քվադրատները հայ ժողովրդի զաղափարական զինվորագործման պետք է վերաճի 1,5 մլն-ի՝ լրացնելու համար 1915-ի նուրացած մեր շարքերը, իսկ եթե հասնենք նրան, որ համաժողովրդական բանակին միանան 33-ի 3 միլիոն և ԼՂՀ-ի 150 հազար բնակիչները, հույս կարող ենք ունենալ նաև, որ մեր օրինակով վարակված՝ երկրագնդի ամեն հայ իրեն համաժողովրդական բանակի զինվոր կզգա՝ այն հասցնելով հայերի ամբողջական քվադրատին՝ 10 միլիոնի:

Երկրորդ: Համաժողովրդական բանակի յուրաքանչյուր անդամ իրեն պիտի զինվոր կամ հրամանատար համարի: Այսպես՝ մեր քաղաքացիական բոլոր կառույցների ղեկավարները, հայրենիքում և Սփյուռքում բիզնես կամ այլ գործունեություն ղեկավարող անձինք պետք է գիտակցեն, որ իրենք Համաժողովրդական բանակի հրամանատարներ են՝ ջոկի, դասակի, վաշտի, գնդի:

Միայն այդպես կարող ենք պայքարել դեպի հայկական երկու համապետություններն ուղղված սպառնալիքների դեմ՝ օգտագործելով մեր աշխարհասփյուռ հայրենակիցների, կրթական, գիտական, լրբիստական, ֆինանսական հնարավորությունները, բարձր հեղինակությունը: Եվ միայն այդպես կարող ենք հասնել 2014թ. տարեմուտի ուղերձի վերջում նշված համազգային նվաճմանը, որ սպառնալիքները մեզ հասնեն բոլորովին թուլացած, իրենց ուժն ու վտանգավորությունը կորցրած:

ՀՀ պաշտպանության նախարար Սեյրան Օհանյանի 2015թ. տարեմուտի ուղերձից

ՀԱՅՈՑ ԱՄԵՆԱՀՈՐ ՎԱՀԱՆԸ



«Արևիկ» նախադպրոցական խմբի ժյոր ու աշխույժ սաներից է հնգամյա Գոռը: Ամեն առավոտ պայուսակն ուսին շտապում է դպրոց: Սիրում է դպրոցը, իր նոր ընկերներին: Հետաքրքրասեր է անչափ, իսկ ինչու-ե՜րը սկիզբ ու վերջ չունեն: Մանկական հետաքրքրությամբ ու հրճվանքով թերթում է իր առաջին դասագիրքը՝ «Վաղը դպրոց կգնամ»:

Ամենից ավելի սիրում է նկարել: Նկարում է ամեն ինչ՝ ոսկե-շող արև, բարձրահասակ ու հսկա ծառեր, աստղազարդ ու լա-

զուր երկինք, երկնագույն ծաղիկներ: Մեկնաբանում է նկարածը և սիրով նվիրում տնեցիներին:

Նորակառույց դպրոցի մուտքի դռան ճակատին խոշոր տառերով գրված «Բարի գալուստ»-ը, չգիտես ինչու, այսօր նկատեց միայն: Անասելի ուրախությունից ու հպարտությունից սևաթույր աչիկները հանկարծ փայլեցին: Ոգևորված ու զարմանքից աչքերը լայն բացած՝ մեկի-մեկի իր զրնգուն ձայնով բարձրաձայն կարոզաց իրեն ծանոթ տառերը՝ ա, ի, ու, տ, ապա բաց թողեց տատիկի ձեռքը ու փախավ:

«Ու՞ր գնաց, ի՞նչ եղավ, Գոռն ինչու՞ մերս չնտամ,- անհանգստացավ տատիկը,- զանգը ուր որ է կհնչի»:

Փողոցի անկյունում՝ նորակառույցի պատի վրա, լուսեղեն սյունի նման վեր էր խոյանում խոշոր ու շողողուն տառերով մի բառ՝ «Գեղատուն»: Փողոցիկին զարմանք ու ոգևորություն էին ներշնչել այդքան խոշոր տպագիր տառերը: Նա ամուր գրկել էր

գրության ներքևի տառերը:

-Տատի, հապա նայի՛ր, ինչքան մեծ ու գեղեցիկ ու է, տես՝ ինչպես է փայլում, ասես արև լինի:

Ուրախությունից ու հպարտությունից տատիկի աչքերը լցվեցին: Նա երջանիկ էր:

«Մեր գիրն անբաժան է մեզանից, ինչպես համապագոյա հացը: Մեծն Մաշտոցի աստվածային ձեռքով գրված այբուբենը սկիզբ ունեցավ, բայց վախճան՝ երբեք», - համարյա լսելի ձայնով շնջաց տատիկը:

Կյանքում պատահական ոչինչ չի լինում: Որքան էլ զարմանալի է, բայց այս Ամանորին Ձմեռ պապիկը փոքրիկ տղային հայոց սրբազան գրերն էր նվեր բերել, որոնց նա վերաբերվում էր սուրբ երկյուղածությամբ, անչափ մեծ զգուշությամբ ու բացառիկ խնամքով: Հավելե՛ն նաև, որ տղան Ձմեռ պապիկին Ամանորի նախօրեին վերոհիշյալ խնդրանքով գիր էր ուղարկել: Չարանե՞զ թուրքի արյունոտ

սրին հակադրված հրաշք վահան է մեր այբուբենը, որը հավետ անասան կպահի հայոց աշխարհը: Ինչքան էլ մութ ամպերը պատեն հայոց երկնակամարը, ինչքան էլ խորամանկ ու խարդախ ոսոխը սպառնա, միևնույն է, հույսի ու լույսի արշալույս է ծագելու, արցախական աշխարհի անդորրը ոչինչ և ոչ ոք չի խաթարելու: Հենց այսօրվա գրապաշտ ու հայրենապաշտ սերունդն է հայկազունյաց շառավիղը փրկելու, վաղվա հույսն ու իսկական ապավենը: Նա, անշուշտ, նվաճել է խաղաղ պայմաններում ապրելու և արարելու իրավունքը (վկան՝ 2014 թվականի օգոստոսի հերոսական դեպքը):

Կամոքն Աստծո թող խաղաղություն տիրի հայոց աշխարհում, և հավերժ թող դողանքի Հայոց հավատքի զանգը:

Ռիմա ՄԵԼՈՒՄՅԱՆ
Սպեի. հ.6 հիմն. դպրոցի
հայոց լ. եւ գրակ.
մեթոդամասնախմբի
ղեկավար

ՅՈՒՑԱԴՐՈՒՄ ԵՆ ՌԱԶՄԱԿԱՆ ՀՄՏՈՒԹՅՈՒՆՆԵՐԸ

Հայոց բանակի օրվան նվիրված՝ Քաշաթաղի շրջկենտրոն Բերձորի Վահան Թեթեյանի անվան հ. 1 միջնակարգ դպրոցում անցկացվեց մրցույթ՝ Կալաշնիկով ինքնաձիգի ոչ լրիվ քանդման-հավաքման և վարժասարքից կրակելու: Մասնակցում էին քաղաքում գործող 2 հանրակրթական դպրոցների 8-11-րդ դասարանների տղաները՝ յուրաքանչյուր թիմում 5 մասնակից: Համար 1 միջնակարգի զինղեկ Սամվել Պապիկյանի հրահանգով մասնակիցները նախ շարք կանգնեցին, լսեցին մրցույթի պայմանները: Սկզբում կայացավ ինքնաձիգի քանդում-հավաքումը: Լավագույն արդյունք՝ 48 վայրկյան, ցուցաբերեց Բերձորի Վահան Չատիկյանի անվան հ. 2 միջնակարգի 8-րդ դասարանի աշակերտ Տիգրան Սատիկյանը: Երկրորդ՝ 53 վրկ միավորով, հ. 1 միջնակարգից Գրիգոր Սկրտչյանն էր, նույն դպրոցից Գոռ Սարգսյանը երրորդն էր՝ 55 վայրկյան արդյունքով: Արդեն երրորդ տարին է, ինչ գեներալ-լեյտենանտ Մուրազ

Սարգսյանի օժանդակությամբ հ. 1 միջնակարգ դպրոցում գործում է կրակային վարժասարքը, որից օգտվում են նաև այլ կրթօջախների սաներ: Մրցույթի երկրորդ մասը վարժասարքից կրակելն էր: Նախատեսված էր 10 կրակոց ուսուցողական և 10-ը՝ մրցութային: Այս մրցույթում 86 միավորով (զերազանց գնահատական) աչքի ընկավ հ. 1-ի 11-րդ դասարանի աշակերտ Վլադիմիր Սարգսյանը: Երկրորդը՝ 84 միավորով, երկրորդ դպրոցից Մոնթե Պարոյանն էր: Կրակայինից ընդհանուր միավորներով հաղթող ճանաչվեց հ. 1 դպրոցի թիմը՝ 336 միավորով: Երկրորդ դպրոցի թիմը հավաքեց 295 միավոր: Ինքնաձիգի ոչ լրիվ քանդում-հավաքումից հաղթող ճանաչվեց հ. 2 դպրոցի թիմը (6 ռոպե 30 վայրկյան):



Մրցույթին ներկա էին առաջին դպրոցի տնօրեն Անահիտ Քոստյանը, փոխտնօրենները, երկրորդ դպրոցի զինղեկ Գևորգ Ալեքսանյանը:

-Զինվորական ծառայության անցնելուց առաջ կարևոր է, որ բարձր դասարանների տղաները կարողանան դիպուկ կրակել, ծանոթ լինեն ինքնաձիգի, - ասաց մրցույթի կազմակերպիչ Սամվել Պապիկյանը՝ նշելով, որ կա նպատակ նույն մրցույթին մասնակից դարձնել նաև այլ դպրոցների աշակերտներին:

Զ. ՈՒՔՈՅԱՆ

ՀԱՄԱԺՈՂՎ՝ ՆՎԻՐՎԱՆ ԸՆԹՐԵՆԱՍԻՐԱԿԱՆ ԴԱՍԽԱՐԱԿՈՒԹՅԱՆԸ

Հունվարի 16-18-ը ՀՀ պաշտպանության նախարարության վարչական միասնության հիմնադրում տեղի ունեցավ «Աճող սերնդի ռազմա-հայրենասիրական դաստիարակության հիմնախնդիրները և դրանց լուծման ուղիները» թեմայով համաժողով, որին մասնակցում էին տարբեր գերատեսչությունների, հասարակական կազմակերպությունների ղեկավարներ, բարձրաստիճան այլ պաշտոնյաներ: Մասնակցում էր նաև ԼՂՀ կրթության և գիտության նախարարության պատվիրակությունը, որի կազմում ընդգրկված էին նախարարության պատասխանատու աշխատողներ, Ստեփանակերտի և շրջանների դպրոցների մանկավարժներ: Համաժողովին ներկա էր ԼՂՀ կրթության և գիտության նախարար Սլավա Արայանը:

Համաժողովում բացման խոսքով հանդես է եկել ՀՀ պաշտպանության նախարար Սեյրան Օհանյանը: Նա կարևորել է Հայաստանի նորագույն պատմության, ինչպես նաև Արցախյան պատերազմի ընթացքում ձեռքբերումներն աճող սերնդին պատշաճ կերպով

փոխանցելու անհրաժեշտությունը, քանի որ միայն այդպես կարելի է ապահովել երկրի հետագա զարգացումը: Համաժողովում ամփոփվել են հայրենասիրական դաստիարակության ոլորտում 2014թ. պաշտպանական գերատեսչության կողմից իրականացված միջոցառումները, քննարկվել ազգային ինքնության և հպարտության զգացումով համակված սերնդի դաստիարակման ուղիներն ու միջոցները:

Չեկուցումներով հանդես են եկել հայրենասիրական դաստիարակության ոլորտում ընդգրկված տարբեր գերատեսչությունների ներկայացուցիչները: «Լեռնային Ղարաբաղի Հանրապետությունում աճող սերնդի ռազմա-հայրենասիրական դաստիարակության հիմնախնդիրները և դրանց լուծման ուղիները» գեկուցումով հանդես է եկել ԼՂՀ կրթության և գիտության նախարարության ԿԳ վարչության պետ Ռայա Մուսայեյանը (տես էջ 2):

Համաժողովի ավարտին հայրենասիրական դաստիարակության բնագավառում ներդրած ավանդի համար մի շարք գերա-

տեսչությունների ներկայացուցիչներ պարգևատրվել են գերատեսչական մեդալներով և պատվոգրերով, այդ թվում՝ Արցախի կրթության համակարգի պատվիրակության անդամները, Ռայա Մուսայեյանը (ԼՂՀ կրթության և գիտության նախարարության ԿԳ վարչության պետ), Անահիտ Պողոսյանը (Ստեփանակերտի հ. 7 հիմնական դպրոցի տնօրեն), ՀՀ ՊՆ պատվոգրով, Վալերի Գրիգորյանը (ԼՂՀ ԿԳՆ ռազմաօդային ուժերի կազմակերպության բաժնի պետ)՝ ՀՀ սպորտի նախարարության շնորհակալագրով, Մարտին Սարգսյանը (Մարտունու շրջանի Բերդաշենի միջնակարգ դպրոցի զինղեկ)՝ ՀՀ տարածքային և արտակարգ իրավիճակների նախարարության մեդալով, Արմեն Սողոմոնյանը (Ստեփանակերտի հ. 2 միջնակարգ դպրոցի զինղեկ)՝ ՀՀ տարածքային և արտակարգ իրավիճակների նախարարության մեդալով, Արթուր Աբանեսյանը (ԼՂՀ ԿԳՆ ռազմաօդային ուժերի կազմակերպության բաժնի զվեսավոր մասնագետ, Ստեփանակեր-

տի հ.3 միջնակարգ դպրոցի ֆիզկուլտուրայի ուսուցիչ)՝ ՀՀ մշակույթի նախարարության պատվոգրով, Լուսինե Մնացականյանը (Մարտակերտի շրջանի Առաջաձորի միջնակարգ դպրոցի մաթեմատիկայի ուսուցչուհի)՝ ՀՀ ԿԳՆ պատվոգրով, Սեդա Թովմասյանը (Ասկերանի շրջանի Ակնաղբյուրի միջնակարգ դպրոցի պատմության ուսուցչուհի)՝ «Դրաստամատ Կանայան» ՊՆ մեդալով, Լյուբա Մայիլյանը (Հաղորթի միջնակարգ դպրոցի հայոց լեզվի և գրականության ուսուցչուհի)՝ ՀՀ սփյուռքի նախարարության «Մայրենի դեսպան» մեդալով: Հայտարարվեց, որ «Նախնական զինվորական պատրաստություն» առարկայից 2013 և 2014թթ. դպրոցականների օլիմպիադայի ՀՀ հանրապետական փուլում հաղթած Արցախի թիմի մարզիչներ, Ստեփանակերտի հ. 5 և հ. 10 հիմնական դպրոցների զինղեկներ Արսեն Հարությունյանը և Վարուժան Աղաջանյանը պարգևատրվել են ՀՀ ՊՆ «Անդրամիկ Օգանյան» և «Վազգեն Սարգսյան» մեդալներով:

ՀԱՄԱԺՈՂՈՎ

ԼԵՌՆԱՅԻՆ ՂԱՐԱԲԱՂԻ ԶԱՆՐԱՊԵՏՈՒԹՅՈՒՆՈՒՄ ԱԾՈՂ ՍԵՐՆԴԻ ՌԱԶՄԱՅԱՅՐԵՆԱՍԻՐԱԿԱՆ

ԴԱՍՏԻԱՐԱԿՈՒԹՅԱՆ ԶԻՄԱԿՆԵՐՆԵՐԸ ԵՎ ԴՐԱՆՑ ԼՈՒԾՄԱՆ ՈՒՂԻՆԵՐԸ



Հարգարժան նախարարներ, պարոնայք զենբարձրներ և սպաներ, համաժողովի մասնակիցներ

Ողջունում են ձեզ ուսումնական հաստատություններում աճող սերնդի ռազմահայրենասիրական դաստիարակության հիմնախնդիրները կարևորելու, դրանց լուծման նպատակով հրավիրված համաժողովի աշխատանքները սկսելու կապակցությամբ և ցանկանում են բեղմնավոր ընթացք ու մեր երախտագիտություն են հայտնում համաժողովի կազմակերպիչներին՝ Լեռնային Ղարաբաղի Հանրապետության կրթության և գիտության նախարարության հանձնախմբին նույնպես հրավիրելու համար:

Համաժողովի հարգարժան մասնակիցներ, Արցախի ուսումնական հաստատություններում ռազմահայրենասիրական դաստիարակությանը միտված աշխատանքներն ընթացում են հայրենիքի նկատմամբ սիրո և հավատարմության, նրա հզորացման ու բարգավաճման, անկախության ամրապնդման և Մայր հայրենիքի հետ սերտ համագործակցության և, որ ամենակարևորն է, ազգային անվտանգության ապահովման երաշխիք Հայոց բանակի մարտունակության բարձրացման ուղղությամբ:

Ահավասիկ, բանակի կայացման ու հզորացման գործի հիմքում ընկած է պատանիներին զինծառայությանը հոգեբանորեն պատրաստելու, զինվորական ծառայության նկատմամբ նախնական պատրաստվածության մակարդակը բարձրացնելու, բանակում ծառայելու հանդեպ դրական վերաբերմունք ձևավորելու ուղիների փնտրման անհրաժեշտությունը: Ռազմահայրենասիրական դաստիարակության հիմնախնդիրները լուծելու համար ամեն ինչ պետք է սկսել աճող սերնդի մեջ խորը հայրենասիրության ու գործը կանգնող դաստիարակումից:

Հայ ժողովրդի պատմության տարբեր ժամանակահատվածներում իր պետականության և ինքնագոյության համար մղված ազատագրական պայքարի դասերը լավագույն օրինակ են: Հայրենասիրության դասերի սակավությունը երբեք հայը չի զգացել, ներկա սերնդի հայրենասիրական դաստիարակության համար և մեր մանկավարժների գործունեության հիմքում հենց այդ դասերի, նախորդ սերունդներից մեզ փոխանցված պատմաճակատային և հոգևոր հարուստ ժառանգության փոխանցումն է նոր սերնդին, որի պահպանման ու դրանց նկատմամբ ինքնագիտակցման ու արժևորման դրսևորումները յուրաքանչյուրիս սուրբ պարտավորությունն են: Հայը, առավել ևս արցախցին, լավ է սերտել և պատմության դասերը, և Արամ Մանուկյանի հետևյալ խոսքերը. «Հայը ուրիշ ոչ մի ազգի առաջ գլխարկ հանելու պետքը չունի, քանզի նա իր հայրենիքի, իր հող ու ջրի տերն է եղել միշտ»:

Հայրենասիրական դաստիարակության ուղղությամբ տարվող աշխատանքները հիմնականում ընթա-

նում են ուսումնական հաստատություններում ուսուցանվող առարկայական պարամունքների և արտաուսումնական միջոցառումների միջոցով: Կարևորելով ռազմահայրենասիրական դաստիարակության առաջնայնությունը՝ մեր հանրապետության կրթական հաստատություններում լավ են գիտակցում, որ այսօրվա դպրոցականը վաղվա զինվորն է, և բոլոր հնարավորություններն օգտագործում են այդ սրբազան գործին նրանց նախապատրաստելու համար: Բացի ռազմամարզական ծրագրային միջոցառումներից՝ պատանիների վրա մեծ ազդեցություն է ունենում այն հանգամանքը, որ շատ դպրոցների զինղեկներ Արցախյան գոյամարտի մասնակից սպաներ են, շատերի ծնողները այսօրվա մեր ազատ ապրելու իրավունքը կերտողներն են, շատ զենբարձրներ մեր երեկվա մանկավարժներն են: Նրանց աչքերում հպարտություն ենք նկատում, երբ Արցախյան գոյապայքարում զոհված ազատամարտիկներին նվիրված հուշ-ցերեկույթների, Հայաստանի Հանրապետության և Լեռնային Ղարաբաղի Հանրապետության ազգային հերոսների ծննդյան տարեդարձների, Մեծ հայրենականի և Արցախյան պատերազմի մասնակիցների հետ հանդիպումների, Մայիսյան եռատոնի, Արցախի անկախության և այլ հիշարժան օրերին նվիրված միջոցառումների ընթացքում մեր դպրոցականները հանդիպում են արցախյան բանակի բարձրաստիճան հրամանատարներին ու զենբարձրներին, լսում նրանց հայրենասիրություն, ազգապաշտություն, հայրենիքին նվիրվելու պատրաստակամությունը ներշնչող խոսքերը:

Զգալով ռազմահայրենասիրական դաստիարակության բնագավառի արդի խնդիրների լուծման հրապարակությունը՝ ԼՂՀ կրթության և գիտության ու պաշտպանության նախարարությունների համագործակցության շրջանակներում արդյունավետորեն են իրականացվում բանակ-դպրոց համատեղ միջոցառումները՝ ուղղված սովորողների նախազորակային պատրաստության ու այդ նպատակով ուսումնական հաստատությունների նյութական բազայի համալրման, զինղեկների վերապատրաստման, ուսումնական հաստատություններում ռազմահայրենասիրական աշխատանքների դրվածքի համատեղ ուսումնասիրման և մեթոդական աջակցության ցուցաբերման, «Նախնական զինվորական պատրաստություն» առարկայի ծրագրային ապահովման, հատկապես սովորողների կրակային պատրաստության ու դաշտային պարասպանությունների իրականացման գործընթացներին:

Զորամասեր կատարվող այցելությունների ընթացքում սովորողները ծանոթանում են զորամասի անցած մարտական ուղուն, լինում են նրա ստորաբաժանումներում, ծանոթանում են մարտական տեխնիկային, զինվորների նիստուկացին, կազմակերպվում են համատեղ հանդիպումներ, համերգային ծրագրեր և այլ բնույթի միջոցառումներ:

Սովորողների նախազորակային պատրաստության ապահովման գործընթացում կարևոր դեր է կատարում դպրոցականների պլանդակային դարձած «Արծվիկ» ռազմամարզական խաղի անցկացումը, որը յուրատեսակ ստուգատես է մասնակից թմերի կողմից ռազմամարզական, շարային, քաղաքաշտպանության, առաջին բուժօգնության և կրակային պատրաստության կարողությունների դրսևորման համար, ինչպես նաև բանակ-դպրոց արդյունավետ կապի վառ օրինակ: Այն անցկացվում է ԼՂՀ

կրթության և գիտության նախարարության, պաշտպանության բանակի և արտակարգ իրավիճակների պետական ծառայության համատեղ ջանքերով:

Սովորողների նախազորակային պատրաստության գործընթացում կարևոր նշանակություն ունեն հանրապետական ուսումնական հաստատությունների 9-12-րդ դասարանների սովորողների միջև անցկացվող առարկայական օլիմպիադաները, այդ թվում՝ «Նախնական զինվորական պատրաստություն»-ից: 2013, 2014 թվականներին ԼՂՀ դպրոցականների առարկայական օլիմպիադայի հաղթող թիմերը մասնակցեցին ՀՀ-ում անցկացված օլիմպիադայի հանրապետական փուլին և թիմային հաշվարկով գրավեցին 1-ին պատվավոր տեղը՝ արժանանալով գլխավոր մրցանակի:

Արտաուսումնական միջոցառումների շարքում առանձնահատուկ նշանակություն ունի ռազմամարզական ճամբարային առօրյայի կազմակերպումը: Պաշտպանության բանակի և ԼՂՀ ԿԱ առընթեր արտակարգ իրավիճակների պետական ծառայության աջակցությամբ արդեն 7-րդ տարին է՝ կազմակերպվում է «Ասպետ» ռազմամարզական ճամբարը, որտեղ իրենց հանգիստ են վայելում հանրակրթական հաստատությունների 11-րդ դասարանների շուրջ 600 պատանիներ, այդ թվում՝ Լիբանանի, Սիրիայի, Իրանի Իսլամական Հանրապետության, Երևանի «Մխիթար Սեբաստացի» կրթահամալիրի և այլ հաստատությունների պատանիներ: Նման կազմով ճամբարակներին առօրյա անցնում է հետաքրքիր ու փոխըմբռնման մթնոլորտում, ճամբարականների հանգիստը զուգորդվում է բանակային կառուցվածքային ու կարգապահական կանոնների համապատասխան պարամունքներով, ինչը նպաստում է ՆՁՊ-ից ստացած նրանց գիտելիքների հարստացմանն ու մարտական կարողությունների զարգացմանը:

Գիտակցելով, որ «Նախնական զինվորական պատրաստություն» առարկայի դասավանդման արդյունավետության բարձրացումը և ռազմահայրենասիրական դաստիարակության արդի խնդիրների լուծումը հիմնականում պայմանավորված են զինղեկների աշխատանքով՝ ԼՂՀ կրթության և գիտության ու պաշտպանության նախարարության հետ համատեղ միջոցներ են ձեռնարկվում զինղեկների շարքերի համալրման, նրանց հետ ամենամյա վերապատրաստման դասընթացների կազմակերպման ուղղությամբ:

«Նախնական զինվորական պատրաստություն» առարկայի դասավանդման դրվածքի բարելավման նպատակով կարևորում են նաև կրթության և գիտության նախարարության կողմից կազմակերպվող «Տարվա անկազույն զինղեկ» մրցույթի անցկացումը, որի արդյունքում, մրցույթում հաղթողներից բացի, «Ռազմահայրենասիրական դաստիարակության լավագույն դրվածքի», «Աշակերտների մոտ առարկայի նկատմամբ սեր ու հետաքրքրություն առաջացնելու» և այլ անվանակարգերում հաղթողները նույնպես խրախուսվում են նախարարության կողմից:

Հանրապետության կրթության, գիտության և պաշտպանության նախարարությունների ռազմահայրենասիրական դաստիարակության համանուն բաժինների համատեղ աշխատանքը, համաձայն որի ուսումնական տարում պլանավորվում և կազմակերպվում են թեմատիկ ստուգումներ ու բաց դասեր, բացահայտվում են թերություններն ու բաց-

թողումները, քննարկվում են բաց դասերը, ցուցաբերվում են անհրաժեշտ մեթոդական օգնություն, նույնպես տալիս են դրական արդյունք:

Կարճ ժամանակամիջոցում տիրապետել ժամանակակից զենքին և դառնալ հայրենիքի պաշտպան այնքան էլ դյուրին գործ չէ: Հետևաբար, յուրաքանչյուր պատանի պետք է նախօրոք իրեն նախապատրաստի զինվորական ծառայությանը, օժտված լինի ֆիզիկական, մտավոր և հոգևոր ներուժով, լինի բարոյական բարձր արժանիքների տեր, պատրաստ ծառայելու իր ժողովրդին և հայրենիքին:

Այս առումով առաջավոր դպրոցների զինվորական ղեկավարները նպատակաուղղված աշխատանք են ստանում նախազորակիցների դեպի ռազմական գործը կողմնորոշելու ուղղությամբ: Շրջանավարտներից շատերը սովորում են բարձրագույն ռազմական ուսումնական հաստատություններում:

Նորաստեղծ բանակի էլ ավելի հզորացման, ամրապնդման ու կատարելագործման ուղղությամբ կարևոր խնդիրներ են դրված հանրակրթական դպրոցի առջև, քանզի դպրոցում է ձևավորվում այն անձը, որը հետագայում դառնալու է հայրենիքի զինվորը, մարտիկը, սպան, բանակի ռազմական տեխնիկան օգտագործողն ու ղեկավարողը:

Հետևաբար, երիտասարդ սերնդի ռազմական ուսուցման գործի կազմակերպումը ռազմահայրենասիրական դաստիարակության կարևոր խնդիրներից է:

Անկասկած, ազգային բանակի կայացման կարևոր պայմաններից մեկը կիրթ և հատկապես տեխնիկական գրագիտություն ունեցող զինվորական ու սպայական անձնակազմ ունենալն է, որի ապահովումը պայմանավորված է այսօրվա հանրակրթության մակարդակով: Շատ օրինակներով կարելի է ցույց տալ, թե հանրապետության հանրակրթական դպրոցների մանկավարժական կոլեկտիվները որքան խրախուսելի գործ են կատարում այդ ուղղությամբ:

Վերջին տարիներին զգալիորեն փոփոխվել են ռազմագիտության ուսուցման բովանդակությունն ու նրա դասավանդման պահանջները: Ապագա զինվորի համար ապահովվում են նախնական գիտելիքներ ու կարողություններ, ինչն էլ հիմք է հանդիսանում նրա զինվորական պատրաստության և ռազմական մասնագիտության տիրապետման համար:

Պատանիներին զինվորական ծառայության նախապատրաստելու որակը բարձրացնելու նպատակով զինվորական ղեկավարների մեծամասնությունը ամուր կապ է պահպանում այն շրջանավարտների հետ, ովքեր ծառայում են ԼՂՀ պաշտպանության բանակում, սովորում ռազմական տարբեր բարձրագույն ուսումնական հաստատություններում:

Եվ այսօր բոլոր նրանք, ովքեր աշխատում են երիտասարդության հետ, գիտեն, որ նոր սերնդին զինվորական ծառայությանը նախապատրաստելու խնդիրը միայն ռազմագիտության դասերին լուծել հնարավոր չէ: Անհրաժեշտ է կիրառել ռազմահայրենասիրական դաստիարակության բոլոր ձևերը, ապահովել համալիր մոտեցում այդ կարևոր խնդիրին:

Ընդհանրացնելով մեր ձեռքբերումները՝ վստահաբար կարող ենք ասել, որ հանրապետության ուսումնական հաստատություններում ռազմահայրենասիրական դաստիարակության և նախնական զինվորական պատրաստության ուսուցման գործընթացը գտնվում է բավարար հիմքերի վրա, բայց մենք չենք բավա-

րարվում ձեռքբերածով և կարծում ենք, որ դեռևս անելիքներ ունենք այս ոլորտում, որի համար առաջարկում ենք.

1. համալրել բոլոր կրթական հաստատությունների ուսումնական-թական բազան, ստեղծել ռազմագիտության կաբինետներ, զենքի պահպանման սենյակներ, զինասենյակներ և դրանց կախավորումը համապատասխանեցնել արդի պահանջներին:

2. ուսումնական հաստատություններում ստեղծել հայ ժողովրդի պատմական անցյալի հերոսական դրվագներին և մեր ազգային ավանդույթներին նվիրված մարտական փառքի սրահներ և անկյուններ: Ավելի հաճախակի դարձնել շեֆ գորա-մասերի զինծառայողների և նրանց ծնողների հետ հանդիպումները:

3. կազմակերպել ռազմահայրենասիրական դաստիարակության բարձրագույնը նպաստող գիտական և գեղարվեստական հրատարակումներ ու գրքերի քննարկումներ:

4. Պաշտպանության բանակի հետ համատեղ հաճախակի կազմակերպել ռազմահայրենասիրական թեմաներով աշակերտական-համաբանակային հանրապետական մրցույթներ:

5. ուսուցչի օրվա կապակցությամբ կազմակերպել բարելիզ ծառայությանը աչքի ընկած և հայրենիքին ծառայելու բարձր պատրաստակամություն ցուցաբերած զինծառայողների և ուսուցիչների հանդիպումներ:

6. սովորողների հետ մասնագիտական կողմնորոշման ուղղությամբ տարվող աշխատանքներն էլ ավելի ակտիվացնել՝ ռազմական ուսումնարաններ ընդունվելու և Հայոց բանակում որպես սպա ծառայելու նպատակով:

7. յուրաքանչյուր ուսումնական հաստատության ուսումնադաստիարակչական գործունեության կարևոր խնդիր համարել ապագա զինվորի անձի ձևավորման և բանակում ծառայելու պատրաստակամության ապահովումը:

Համաժողովի հարգարժան ներկաներ, ռազմահայրենասիրական դաստիարակության որակի բարձրացման կողմնակիցներն ենք, որ մեր նպատակը ռազմատեսչ զինվոր դաստիարակելն է, բայց քանի որ, մեղմ ասած, վատ, անկիրթ քշմամի է մեզ բաժին հասել, որն ունենալով հազիվ մեկդարյա պատմություն, դեռևս դուրս չի եկել «բարանձավային քաղաքակրթության» սահմաններից և միայն կացնահարել, ամենը, անչափահաս երեխային մորթել գիտի և մարդու իրավունքներն ու ազատություններն արյան մեջ խեղդելու, դեպքերը խեղաթյուրելու, սաղորչ հայտարարություններ անելու, իրավիճակը սահմաններում ապակայունացնելու և դիվերսիոն հարձակումներն ակտիվացնելու մեծ փորձ է ձեռք բերում, ուստի, մենք մեր զինվորին դաստիարակում ենք նաև թշնամուն դիմակայելու ու մեր սահմանները անխախտ պահելու պատրաստակամությամբ:

Ավելի քան համոզված ենք, որ մեր հակառակորդը բազմիցս արդեն համոզվել է, որ անհրաժեշտության դեպքում մենք ազգովի կպաշտպանենք մեր հող հայրենի՝ քանզի լավ ենք սերտել Տիգրան Մեծի այս պատգամը՝ «Մենք չենք թողնի, որ հայոց պարանի վրա օտարներն իրենց լվացքը փռեն»:

Ռ. ՄՈՒՍԱՅԵՆԱՆ
ԼՂՀ ԿԳ նախարարության
կրթության և գիտության
վարչության պետ

ԸՆԹԱՅ

ՏՆՕՐԵՆՆԵՐԻ ԽՈՐՀՐԴԱԿՑՈՒԹՅՈՒՆ

Հունվարի 27-ին Բերձորում շրջվարչակազմի դահլիճում, շրջանի հանրակրթական դպրոցների տնօրենների մասնակցությամբ տեղի ունեցավ խորհրդակցություն...



Միջոցառմանը նախագահեց շրջանի վարչի Վարդուհայ Գևորգյանը, որը ներկայացրեց շրջանի վարչի և դպրոցների տնօրենների միջև կայացրած համաձայնագրի կնքման արդյունքները...

Ջոհրաբ ԸՈՒՅԱՆ

Կարծիք

Արցախի հանրային հեռուստատեսությունը հաճախակի է արձակում հանրապետության դպրոցներում թափուր պաշտոնների, ազատ դասաժամերի մասին հայտարարություններ: «Լուսարար» թերթն էլ իր հերթին է անդրադառնում այդ հարցին: Եթե առաջ հիմնականում Քաջաթաղի, Շահումյանի շրջանի դպրոցներում էր ուսուցչի կարիք զգացվում, այսօր Մարտակերտի, Մարտունու շրջանի շատ դպրոցներ ճեմաբանության ուսուցիչներ են «փնտրում»:

ԼԻՆԵՔ ԻՐԱՏԵՍ

Թվում է, թե մոռացության է տրված մի պարզ ճշմարտություն. այն է՝ ամենաթանկ կապիտալի ապագան ուսուցչի ձեռքում է: Հանրապետության բարձրագույն ուսումնական հաստատություններն ամեն տարի բավականին շրջանավարտներ են թողարկում, և թվում է, թե պահանջարկ «ուսուցչի շուկայում» չպիտի որ լինի: Այնինչ հանրապետությունում ուսուցչի շուկա 400 տեղ կա ազատ: Ստացվում է, որ ուսուցիչների որոշ մասը խուսափում է մանկավարժական աշխատանքից: Գիշտ է, ԼՂՀ կառավարության որոշմամբ գյուղական բնակավայրեր գործուղված ուսուցիչներին տրվում է լրավճար դրույքի կեսի չափ և 20 հազար դրամ բնակարանի վարձ, բայց, ըստ երևույթի, սա այն ձգողական ուժը չէ, որ հրապուրի երիտասարդ շրջանավարտներին: Կառավարության այս քաղաքականությունը, իրավ, արժանի է գովեստի: Իրոք որ, նոր բնակավայրերի կառուցումը, անմշակ հողերի յուրացումը, վերաբնակեցման քաղաքականությունը հպարտանալու առիթներ են տալիս: Սակայն տարակուսանքի տեղիք է տալիս նաև այն փաստը, որ հանրապետության շատ հին բնակավայրեր «հոգեվարքի» մեջ են: Ժողովուրդը բնակություն, անընդհատ նվազող աշակերտներով դպրոցներ: Նույն վիճակի մեջ են մեր շրջանի Ավդուռ, Մյուրիչեն, Չափ, Եմիշճան, Պառավաթումբ, Հաղդուրի և էլի տասնյակ գյուղեր: Եվ համարժեք հայտարարություն՝ մնալ գյուղերի դպրոցներում 7-8 ժամի համար մրցույթի մասին: Եկեք իրականությանը նայենք սրբախ դատողությամբ. հազիվ թե գտնվի մեկը, որ այդ «կորած» գյուղում 7-8 ժամի համար ստիպված լինի 100-150 հարցի պատասխան սովորել և երկու փուլով էլ (գրավոր և բանավոր) մրցույթում մասնակցել: Ելնելով այսօր գործող օրենքից, ըստ որի առանց մրցույթի աշխատանք չկա, շատ անգամ փոքր դպրոցների համար վա-

րում ենք ոչ ճիշտ ռազմավարություն: Լավագույն դեպքում այդ դպրոցներում աշխատելու համար մեկ դիմորդ լինի, թե՛ ոչ: Մեկ դիմորդի դեպքում էլ ի հայտ է գալիս մրցույթի և մի թերի կողմ: Ի՞նչ մրցույթ, երբ մրցակիցներ չկան: Այստեղ, անկասկած, կգործի «Ցորեն հաց չկա տանք հիվանդը կազդուրվի, գարի հաց է՞լ չտանք» (ըստ Մուրացանի) սկզբունքը: Միայն չեն լինի, որ պնդեն՝ ուսուցիչը որպես բարձրագույն ուսումնական հաստատություն ավարտած մարդ՝ առանձնահատուկ ուշադրության չի արժանանում: Միայն ավագ սերնդի մարդիկ են երանությամբ հիշում իրենց ուսուցիչներին. չէ՞ որ ուսուցչի հեղինակությունը հաճախ պաշտամունքի էր հասնում: Ի՞նչ են կարծում, այսօր բուհական կրթություն ունեցող մտավորականների այն խավն է, որ իրավամբ կոչվում է ազգի սերունդ: Բնավ՝ ոչ: Ինչո՞ւ, որովհետև համարյա չափարտածների խավ գոյություն չունի: Ավանայից հիշեցի անցյալ դարի 80-ականների սկզբի դպրոցական ռեֆորմը, որն առաջ էր քաշել համակողմանի զարգացած անհատ ձևավորելու հարցը: Այո, դպրոցին անհրաժեշտ է հենց համակողմանի զարգացած անհատ: Իսկ համակողմանի զարգացած լինել նախ և առաջ պետք է հասկանալ անհրաժեշտ ինտելեկտ՝ գունարած ազգային բնավորություն: Ասել է թե՛ բոլոր առումներով ուժեղ սերունդ է հարկավոր, ազգային ավանդույթն իմացող, ազգային մշակույթը հարգող և զարգացնող, ազգային մտածողությամբ, ազգային հպարտությունը գիտակցող սերունդ, որ լավ է իմանում մեր անցած ուղին, կարողանում է ըմբռնել ներկան և, ինչու չէ, կանխատեսել ապագան: Բուհում հարակից առարկաների տարանջատումը բնավ էլ չի տանում համակողմանի զարգացած անհատի ձևավորմանը, դեռ ավելին, հանգեցնում է նեղ կաղապար-

ավորման: Այսօր մեր բուհերի շատ շրջանավարտների դիպլոմներում որպես երկրորդ ասես, թե լրացուցիչ մասնագիտություն գրված է՝ ուսուցիչ(մաթեմատիկոս-ուսուցիչ, պատմաբան ուսուցիչ, աշխարհագետ-ուսուցիչ, բնագետ- բնապահպան- ուսուցիչ), և ցավալի է, որ «ուսուցիչը» միշտ երկրորդ պլանում է: Նախ շատ ավել լավ կլինեն ունենալ մանկավարժական բուհ, որի առաքելությունը կլինի թողարկել արդի կրթական բարեփոխումներից համահունչ մանկավարժներ: Ի՞նչ են կարծում, բուհերի բոլոր շրջանավարտները պատրաստ են կամ ի վիճակի՞ են ուսուցիչ աշխատել: Կարծում եմ՝ վատ չէր լինի, որ հենց առաջին կուրսից սկսվելու լուսանորդ բնութագրում (ինչպես դպրոցներում), և կուրսից կուրս բնութագրելով ուսանողին՝ պարզ կդառնա, արդյոք, պատրաստ է վերջինս դառնալ ուսուցիչ, բնութագրում մշակի, թե ինչպես է սովորում, նվիրված է իր ապագա մասնագիտությանը, բարեխիղճ է, պարտաճանաչ, պատրաստ է գործուղվել այնտեղ, որտեղ կզգացվի իր պահանջը, լրջորեն է զբաղվում ինքնակրթությամբ, ուսումնասիրում է լրացուցիչ մասնագիտական գրականություն, աշխարհաճանաչողությունը, վերջապես, մարդկային գործունե գարգանում է, ունի՞ ազգային հպարտություն, ազգային մտածողություն, ունի՞ հարգալից վերաբերմունք ընկեր-ուսանողների, դասախոսական կազմի հետ...: Շատ հարցեր պետք է փորձել լուծել՝ ելնելով գուտ ազգային պետական շահերից, մեր ժամանակներից, պահանջներից, պետական իրավիճակից (չպետք է շտապել պահանջները մերժել, ինչպես հասունացած չեն): ասել է թե՛ քանի դեռ տվյալ հիմնահարցի լուծման նախադրյալները չեն ստեղծվել, չպետք է շտապել «վերկից» լուծումներ պարտադրել:

ԴԱՐՁ ԱԶԳԱՅԻՆ ԱԿՈՒՆԵՆԵՐԻՆ

Խորհրդային պետության փլուզումը մեծ հարված էր նաև մշակույթի զարգացմանը: «Ոգու սովը» իրեն զգալ էր տալիս ամենուր: Մեզ պարտադրված պատերազմը էլ ավելի շոշափելի դարձրեց հասարակության ոչ կամք հեռացումը մշակույթից: Ոչ ոք չի կասկածի այն ճշմարտության մեջ, որ պատերազմը, հետապետերազմյան բազում հոգսերը մշակույթը թողել էին թամբը սովորում: Ազգային, պետական շատ համույթներ դադարեցին գործելուց, սիրողական թատերական խմբերը, որ կային համարյա բոլոր գյուղերում և հասարակության սերն ու համակրանքն էին վայելում, մնացին որպես հուշ: Պատերազմից հետո ժառանգություն մնացին սովորված, նաև թալանված մշակույթի օջախներ, գյուղական ակունքներ, անգործության մատնված մշակույթի բնագավառի աշխատողներ: Այս բոլորը ավելի էր խորացրել հասարակություն-մշակույթ վիճակը: Ժամանակ առ ժամանակ կազմակերպվող ստուգատեսները միայն ու միայն «վարագույրի» դեր էին կատարում, իբր հետևում ինչ-որ բան կատարվում է:

Վերջին հաշվով չի բացառվում այն փաստը, որ գյուղական բնակավայրերում էլ կարող են լինել «թաքնված տաղանդներ», և միայն կայծ է պակասում, որ այդ տաղանդները շողարծակվեն, գտնեն իրենց ճանապարհը, գիտակցեն իրենց մեջ անթեղված ընդունակությունները: Մենք ուրախությամբ ընդունեցինք այն լուրը, որ ԼՂՀ մշակույթի և երիտասարդության հարցերի նախարարությունը, ընդառաջելով գյուղի ակունքի վարիչի հորդորանքին, պարուսույց է գործուղել (հոկտեմբերից) մեր՝ Եմիշճանի համայնք աշակերտներին (և ոչ միայն) ազգագրական պարեր սովորեցնելու: Ես նախընտրեցի հանդիպել պարուսույց Անի Նարինյանին և գրուցել նրա հետ: Նա ներկայացնում է երիտասարդ, նվիրյալ պարուսույց Սարգիս Պարսամյանի ղեկավարությամբ գործող «Արցախ» ազգագրական համույթը: Խուճը հարուստ պատմություն չունի, կարծ ժամանակ է, ինչ գործում է: Համույթը ստանձնել է ազգանվեր առաքելություն՝ ազգագրական պարեր սովորեցնել Արցախի մանուկներին ու պատանիներին: Խմբի անդամները մտան առաքելություն են իրականացնում շրջանի ճարտար, Եմիշճան, Հաղդուրի շրջանի Տող, Ասկերանի շրջանի Նորագյուղ և հանրապետության այլ բնակավայրերում: - Չնայած Եմիշճանը փոքր գյուղ է, մայրու-

ղիներից հեռու, ունի ակնհայտ դժվարություններ, ես ինձ պատասխանատու եմ զգում շուրջ երկու տասնյակ երեխաների առաջ, որոնք լուրջ ակնկալիքներ ունեն,- գրույցի ժամանակ խոստովանեց Անին: - Հենց առաջին պահից երեխաները ինձ դուր եկան, նրանք ուշադիր են, կարգապահ, եռանդուն և չնայած դժվարությանը են զուգորդում երաժշտությունը պարի շարժումների, տակտի, ռիթմի հետ, համոզված եմ, որ համատեղ ջանքերով հաջողության կհասնենք: - Ի՞նչ են կարծում, այս նախաձեռնությունը դարձ է մեր ժողովրդական, ազգագրական արվեստի ակունքներին և օժանդակ փորձ հայեցի կրթության ու դաստիարակության գործում: - Բնականաբար, Արևմուտքը այնպես թափով է ներխուժել մեր կյանքը,- հուզվում էր հազիվ զգալով շարունակեց Անին,- և որ այսպես շարունակվի, ազգային մշակույթը, կենցաղը և ավանդույթները անկասկած կմնան սովորում: Ել չեն ասում, որ հեռուստատեսությունը, համացանցը շատ է ծանազան համեմատելով ոչ արժեքավոր արվեստ են տարածում: Ու քանի դեռ գյուղական բնակչությունը շատ թե քիչ հեռու է եվրոպական ազդեցությունից՝ ինձ թվում է, որ առավել հեշտ կլինի ազգայինը տարածել, սովորեցնել, ազգային ինքնագիտակցու-

թյան քուրան բորբոք պահել: Սկսել ենք ուրախ, տրամադրություն բարձրացնող պարերից՝ «Թանգարա», «Գյուլնը վեր վերի» պարերի տարրերը յուրացնելուց, հետո ծրագրում են «Փափուրի», «Սասնա ջուղարի» և այլ նույնպես ուրախ պարեր: Անին միաժամանակ «Արցախակերտում» երիտասարդական հասարակական կազմակերպության անդամ է, որի հիմնական կարգախոսը՝ «Կերտենք Արցախը», հանրապետության բնակավայրերում երիտասարդների շրջանում ինչպես հասարակական ակտիվության, այնպես էլ ազգային մշակույթի զարգացումն է: Նրա վկայությամբ՝ կազմակերպության որոշ ծրագրեր գտնվում են ինչպես Մե նախարարության, այնպես էլ կառավարության ուշադրության կենտրոնում: Քիչ չեն դեպքերը, երբ ֆինանսական օժանդակություն է տրամադրվում: Բայց և այնպես, այս գործում մեծ տեղ է հատկացվում հասարակական կամավորական սկզբունքին: Անին նվիրում ու եռանդը խոստումնալից ու հուսադրող են, իսկ որտեղ նվիրում, քրտնաջան աշխատանք, այնտեղ՝ հաջողություններ ու հաղթանակներ:

ՆԿԻՐՅԱԼՆԵՐ

«ԶԻՍ ՊԱՆԱՊԱՆ ԵՐԵՅԱԿ ԸԱՅ ԼԵԶՎԻՆ ԿՈՉԵՔ...»

Հայերենը հայի խորհուրդն է, տեսակը ազդարարողը: Այն մեր արյան գույնն է, մեր զոհերի պատգամը, ապրողների սուրբ աղոթքն ու արարումը վեհ, առաջնագծուն հսկող հայ գինվորի սիրտն ու զգոնությունը: Պատմական հայրենիքը կորցրած, Արցախյան գոյամարտում բազում զոհեր տված, բայց և հաղթանակած ժողովրդի համար չափազանց կարևոր է մայրենի լեզվի համոզիչ սերը, գուրգուրանքը, ծնրադրումը...

Ֆրանսիացի հայագետ, գիտնական Ֆրեդերիկ Ֆեյդը, ով վերին աստիճանի կիրթ ու հմայիչ մարդ էր, հիանալի խոսում էր հայերեն: Նա հայերենի մասին գրել է. «Հայոց լեզուն է իմ սիրուն առարկան... Մի լեզու, որ գործություն ունի ազատորեն և ստույգ արտահայտելու գիտական խստորոշ միտքը, փիլիսոփայական գաղափարները և բանաստեղծական նրբին, բազմերանգ պատկերները»:

Եթե մեր լեզուն այսպես կարող են գնահատել ու մեծարել այլազգի անհատները, որոնց համար այդ լեզուն օտար է, ապա որքա՞ն ավելի մենք պիտի գնահատենք, երբ այդ լեզուն մերն է, հարազատը, միակն ու անփոխարինելին...:

Այո՛, միակն ու անփոխարինելին: 24՞ որ անփոխարինելի են և մայրը, և հայրենիքը: Լեզուն մայրենի է: Ուրեմն, մարդ իր լեզուն պիտի սիրի, ինչպես իր մորն է սիրում: Իսկ սիրել՝ նշանակում է պահպանել, սովորել ու սովորեցնել: Մենք մեր ծնողներից ենք սովորում մեր խոսքի մշակույթը, պարտավոր ենք այն սրբությանը փոխանցել մեր զավակներին: Լեզվի պահպանության գործում յուրաքանչյուր հայ անելու ունի՝ ուսուցիչ, աշակերտ, ուսանող, գիտնական: Մարդ ձևավորելու գործում, մանավանդ մանուկ, պատանի, դեռահաս, կարևոր է, թե դաստիարակը ինչպես է խոսում, գործում, վերաբերվում մարդկանց: Մեծի, ավագ ընկերոջ, ծնողի խոսքը բալասան պիտի լինի, բուժի երեխայի հոգին, մղի, հասցնի, հանդիպի ու ստանա արժանի պատասխանը:

Պործի բերումով հաճախ են շփվում ծնողների հետ: Ծնողներ կան, որոնց հետ իմ հանդիպումը ուրախություն է, որովհետև նրանք գիտեն ուսման հարգը, կարողանում են օգնել ուսուցիչներին իրենց բարդ աշխատանքում: Նրանք իրենց անձնական օրինակով երեխաներին մղում են դեպի գիտելիք, դեպի բարոյական, վեհը, բարձրը: Մինչդեռ ծնողներ էլ կան, որոնք միայն բողոքել գիտեն իրենց երեխաներից: Մտածում են՝ երբևէ նրանք փորձել են անկեղծ գրույցի բռնվել, իրենց երեխային պատմել իրենց իսկ մանկությունից, արտասանել նրանց համար, երգել: Անկասկած, ծնողի անտարբերությունը փոխանցվում է երեխային: Չկա գեղեցիկ խոսք, չկա քաղաքավարի դիմելած՝ անգրագիտությունը, կոպտությունն են դառնում խոսքի կշիռը: Մայրենի սերմնացանների կողքին հայ մայրերը պիտի տեղ ունենան: Նրանք իրենց զավակների սրտերում անգին սերմեր պիտի շաղ տան, որ հետո վայելեն իբրև մրգեր քաղցրահամ: 87 տարեկան էր մայրս, երբ մահացավ: Կյանքի դասեր պայմանները թույլ չեն տվել, որ բարձրագույն կրթություն ստանա: Փոխարենը ընթերցանությունը դարձել էր նրա հաց ու ջրի մի մասը, գրքերը՝ հաճելի գրուցակիցներ: Նա կլանված ընթերցում էր հայ պատմավեպեր, դասական երգիծական բանաստեղծական գեղարվեստ: Անգիր էր սովորում դուր եկածները: Երբ հյուր էինք ունենում, հյուրասիրությունը վերածվում էր պոեզիայի երեկոյի:

Դեռ ավելին՝ նա հորդորում էր մտերիմներին, բարեկամներին ընթերցել իր սիրած գրքերից:

Այնպիսի՝ սիրով, գործվով ու հպարտությամբ էր պատմում Պարույր Սևակի կենսագրական մանրամասնությունները: Իսկ «Բիչ ենք, բայց հայ ենք» բանաստեղծության արտասանությունը դառնում էր բողոք, դառնում էր ազնվության դաս, հույս ու հավատ:

Այո՛, մորս են պարտական մայրենիի նվիրյալ դառնալու համար: Ընթերցանություն... Ահա այն գործը ուժը, որ մարդուն մղում է խոսքի բարձր մշակույթի: Գեղարվեստը, լինի արձակ թե չափածո, իր անասելի գործությամբ ու հմայքով գրավում է մեզ: Ու հաճախակի շփումը նրա հետ ճաշակ է հղկում, պարզում ասելիքը:

Խոսքի տիրապետման ամենավաղ տարիքը մանուկ ու պատանի հասակն է, նույնիսկ ավելի շուտ մանուկ, քան պատանի հասակը: Երբեք չպիտի կարծել, թե նույն հաջողությամբ ձեռք կբերվի այն, ինչ բաց է թողնվել պատանեկան տարիներին: Եթե դու այդ հասակում չես հավշտակվել հայ արձակի լավագույն նմուշներով՝ «Սամվել», «Գևորգ Մարգարեանի», «Վարդանանք», եթե Վիլյամ Սարոյանը չի դարձել քո երազանքների բարի հսկան, եթե դու այդ հասակում չես կարդացել «Թոմ Սոյերը» կամ «Խորհրդավոր կղզին», հետո այդ գրքերից նույն բավականությունը չես ստանա:

Վերջին 2 տարվա ընթացքում, հուրախություն մեզ, մեր դպրոցի գրադարանը համարվել է 31 ամուն գեղարվեստական գրքերով՝ մեծամասամբ հայ դասական հեղինակների լավագույն ստեղծագործություններ: Ընթերցելով այն կարևորությունը, որ լավագույն, կատարյալ գեղարվեստական գործը, որ վերլուծվում, ուսուցանվում է դպրոցում, ոչ միայն գրականության, այլև համընդհանուր զարգացման կարևորագույն դաս է՝ ծնողը և պետք է խթանի նրա ընթերցումը, յուրացումը, ոչ թե արգելի, իբրև թե խանգարում է դասերին:

Գիշտ, գրագետ, արտահայտիչ խոսքի կարևորությունից էլ ենթադրվել է, որ խորհուրդ է տալիս մեզ Հովհաննես Թումանյանը. «Խոսելիս կարգին կխոսեն՝ հանգիստ, շեշտով. մարդ իր խոսքին արժեք ու գին պիտի տա»:

Ընթերցողների ուշադրությունն են ուզում սևեռել լեզվական շեղումների վրա, որոնք արմատացել են, և հեշտ չի ընթանում դրանց դեմ տարվող պայքարը:

Նախ՝ շեշտի մասին: Հայերենի վերջնաշեշտությունից շեղումը նսեմացնում, գեղեցկացնում է խոսքը, խեղում այն, հասցնում իմաստազուրկ մասնիկներ: Ահա՛ **որպեսզի** բառի սխալ ինչեղությունը զուգակցվում է բառի սխալ գործածության հետ և այն դառնում է **որպիսի**:

Ուսուցման գործընթացում մենք՝ մանկավարժներս, շատ ենք հանդիպում աշակերտների սխալ շեշտադրման: Համակարգված աշխատանքը հաջողություն է բերում:

Մարդու տրամադրությունը բարևից է ծայր առնում, նույնիսկ՝ բարեկերպ ձևից: «Բարև», «Բարև ձեզ»: Եթե ճիշտ է շեշտված, դիմացինը դրանից հարգանք, գորով ու սեր է ստանում ու փորձում է ընդօրինակել շեշտը, որովհետև գեղեցիկ է, դուրեկան, նոր ու գարնանալի: Սխալ շեշտադրումը կորցնում է բարևի հմայքը, իմաստը, նպատակը: Եվ ողջույնի խոսքը դառնում է պարտադրվածություն՝ սրտի հետ չհամաձայնեցված: Որպես խորհուրդ՝ հանձնարարում են հայերեն սովորել ցանկացող ըն-

թերցողներին Սևակի «Բարև» բանաստեղծությունը սովորել անգիր՝ չնոռանալով շեշտի մասին: Հեռուստացույցով, ռադիոյով, նաև կենդանի ելույթների ժամանակ հաճախ ենք լսում, որ հայ մարդը խոսում է և, ափսոս, չի կարողանում շրջանցել սխալ խոսքը, բառը, շարադրանքը: Ահա, փոխանակ ասելու **կրկին**, որի մեջ **անգամ** բառը արդեն կա, լսում ենք՝ **կրկին անգամ**, սա **ամեն անգամ**-ը չէ: Որքա՞ն հաճախ ենք լսում **դա ձեզ չի վերաբերվում**: Կ-ն իմաստափոխում է բառը, և խոսքը սխալ է կառուցվում:

Գիշտ բառը՝ ճիշտ տեղում. լեզվի այս օրենքից շեղումը լեզվական վթարների տեղիք է տալիս: Եթե արդեն նկատել եք, վաղուց ի վեր հարցերը կամ խնդիրները մեզանում դադարել են **հարուցվել, արծարծվել, առաջ քաշվել, առաջ գալ, ծագել, ծառայել, նույնիսկ դրվել**: Դրանք միայն և միայն **բարձրացվում են**: Տգեղության, լեզվի խելաթյուրման պահեր է ստեղծում **գտնել** բայի սխալ գործածությունը: **Ես գտնում եմ, որ...** Ոչինչ էլ չես գտնում. դու ընդամենը **կարծում** ես: **Այդ օրը նա ներկա է գտնվել**: Ոչ, **ներկա է եղել**: **Համալսարանում դասեր են վերցրել**: Գիշտ է՝ **դասավանդելու են**: **Վերցնել** բայը հաճախ է գործածվում **գնել** բայի փոխարեն, որը խեղում, հաշմում է միտքը: Օրինակ՝ **մոտակա խանութից են վերցրել կոշիկներ**: Այնպիսի տպավորություն է, ասես վերցրել ու չես վճարել դրանց դիմաց: Շատ գրագետ մարդիկ անգամ չեն շրջանցում այս բառակապակցությունները՝ **Ֆրանսերեն լեզու, անգլերեն լեզու, հայերեն լեզու**. -երեն անանցը արդեն **լեզու** բառի իմաստն ունի: Պետք է ասել **հայերեն** կամ **հայոց լեզու, ռուսերեն** կամ **ռուսաց լեզու** և այլն:

Բարբառի վնասարար ազդեցությանը չէ՞, որ **այո**-ն դուրս է մղվել և հաղթողի իրավունքով մեր լեզվում հարմար տեղավորվել օտարաշունչ **հա**-ն:

Մինչդեռ բառարանում հայերեն համարժեքները իրենց գործածության հերթին են սպասում՝ **այո, իհարկե, անշուշտ, անկասկած, իրոք**...

Հայկական հեռուստատեսությունում ցուցադրվող սերիալների լեզուն՝ անխղճորեն աղավաղված, խեղված, մեծ անհանգստության տեղիք է տալիս:

Հայացքներս ուղղենք մեր գրականության ամեն հեղինակներից, որպեսզի սրբագործենք, հղկենք ու պահենք մեր լեզվի գաղտնիքները: Մենք ձգտում ենք տիրապետել, նպաստել նրա զարգացմանը, զորացմանը, նորանոր հնարավորությունների բացահայտմանը՝ նոր ժամանակների պահանջների համեմատ:

Եկեք բոլորս՝ մեծ թե փոքր, միասնաբար մեծ հայագետ Արսեն Դազիկյանի տեղանքին, գորավոր իղձին և առաջնորդվենք նրա խորախորհուրդ խոսքով. «Զիս պահապան իրեշունակ հայ լեզվին կոչեք. ո՛ր էր թե ունենալի իրեշունակի մը քերն ու թռիչքը, թռչեի-հասնեի քաղաքաքաղաք, դմենդուռ և ամեն հայու սրտին մեջ հրդեհներ հանեի, հայ լեզուն սիրելու, զգվելու, անոր վրա գուրգուրալու...»:

Եկելիս ԴՈՒՅԱՆ
ԼՂՀ Ասկերանի շրջանի Ավաղբյուրի՝ ՎԶԻՎԱՆՇԻՐ-յանի անվ. միջնակարգ դպրոցի հայոց լեզվի եւ գրականության ուսուցչուհի

ԵՐԶԱՆԻԿ ԱՌԱՔԵԼՈՒԹՅՈՒՆ (դիմանկարի փորձ)



1969թ. սեպտեմբերի 1-ին էր, երբ սիրունատես մի օրիորդ բախեց հնամալ սիրտի միջնակարգ դպրոցի դուռը. նորանշանակ ջոկատավարն էր՝ Ռոմելա Սիմոնյանը:

Կապվեց աշակերտների հետ, նրանք էլ սիրեցին իրենց ջոկատավարին: Բուրի հետ պիտներ ու փառահեղ կազմակերպություններ, որոնց անդամագրվելն իսկ յուրահատուկ տոն էր: Ամենայն բարեխղճությամբ ու մեծ պատասխանատվությամբ էր կատարում իր պարտականությունները, երեխաների համար կազմակերպում հետաքրքիր միջոցառումներ ու արշավներ:

Ավանդույթներով հարուստ հնամալ սիրտի միջնակարգ դպրոցում սիրեցին ու գնահատեցին ջոկատավարի աշխատանքը: Նա էլ իր երջանկությունը գտավ այս գյուղում: Ամուսնացավ ու երեք երեխա պարգևեց մեր հասարակությանը, որոնք դարձան Արցախ աշխարհի արժանավոր քաղաքացիներ. երկու աղջիկներն ընտրել են մանկավարժի պատվաբեր մասնագիտություն, իսկ որդին՝ տնտեսագետ:

Տասը տարի ջոկատավար աշխատելով՝ չբավարարվեց դրանով: 1977 թվականին ընդունվեց Ստեփանակերտի մանկավարժական ինստիտուտ, որն ավարտեց 1982-ին՝ (մանկավարժություն և հոգեբանություն) դասվարի մասնագիտությամբ. ուզում էր ավելի մոտ լինել երեխաներին: Եվ սկսվեց նրա կյանքի մի նոր շրջանակով՝ դաս-դասարան բովանդակությամբ: Հենց սկզբից էլ ամուր քելեթով կապվեց իր սաներին՝ նրանց հոգում վառելով անմար կրակ ապագայի ու նվիրական երազանքների կատարման ճանապարհին:

Լինել լավ դասավար՝ բոլորին չի հաջողվում, որովհետև մանկական աշխարհի ներթափանցելու ու այդ ամենը էականի սիրտը տանող ճանապարհը գտնելու սուրբ առաքելությանը քչերն են ընդունակ:

Սիրում էր բոլոր սաներին անխտիր. լավ ու վատ, առավել ու պակաս երեխա չկար նրա համար, բոլորը հավասար էին: Եվ միայն մասն ապամաններում են ձևավորվում համերաշխ կոլեկտիվներ, որի անդամներն ապրում են մեկը մյուսի ուրախությամբ ու տխրությամբ, կյանքում էլ միշտ դառնում են հանդուրժող, կարեկից ու բարի մարդիկ:

Բոլոր դասախոսների ժամանակ արված նշումների մեջ գեթ արված է այն միտքը, որ ուսուցչուհին շատ նուրբ ու քնքուշ հարաբերություններով է կապված երեխաներին: Նրա ընձեռած հնարավորության պայմաններում սաներն ավելի պատ ու անկաշկանդ են դրսևորում իրենց գիտելիքները, արտահայտում սեփական կարծիքը:

Ուզում են անդրադառնալ այդ դասախոսներից հատկապես մեկին, որը շատ տպավորել է ինձ ու ամեն ինչով բացահայտում է

մարդուն ու նրա մարդկային հատկանիշները:

2005-ին էր. դասախոսն էր կատարում այն դասարանում, որտեղ սովորում էր Արսենը: Նա այն դժբախտ որբուկներից էր, որին դատան ճակատագիրը չէր խնայել. մինչ իր ծնունդը հայրը թողել հեռացել էր, իսկ ծնունդից հետո՝ դեռ բարուրի մեջ, մայրը մի մահախաղաղ օր ոչխարների փնտրելիս ժայռից գահավիժել էր ծորն ու մահացել:

Փոքրիկը մնացել էր մայրական տատիկի խնամքին: Դժվար էր ծեր կնոջ համար նորածնին խնամելը, բայց դիմանում էր, ուրիշ էլք չուներ:

Ահա այս Արսենը նստած էր վերջին նստարանին և անհանգիստ ինչ-որ բան էր փնտրում գրանցներում՝ համոզված, որ այնտեղ ոչինչ չկա: Ուսուցչուհին, նկատելով Արսենի անհանգստությունը (իմիջիայլոց, նրա աչքից ոչինչ չէր վրիպում), մոտեցավ և տեսավ իր սանի արյունոտ մատը: Ցավը զսպելով՝ Արսենը պատմեց, որ առավոտյան խոհանոց մտնելիս է մատը թողել դռան արանքում:

Ամուսնացել գործի անցավ ընկեր Սիմոնյանը. ձեռքի տակ ունեցած միջոցներով վիրակապեց Արսենի մատը: Մայրական փառաբան ձեռքը դիպավ որբուկին... Ցավն անցավ: Ժպտող խաղաղ սանիկի դեմքին: Ես հեռվից հեռու դիտում էի այս սրտահույզ տեսարանը ու սպասում ավարտին (համոզված էի դրանում):

Քիչ անց, երբ ուսուցչուհին կրկին մոտեցավ վերջին նստարանին, ինձ լսելի դարձան Արսենի խոսքերը.

-Շնորհակալություն, ընկեր Սիմոնյան...
Վերջին ձեռքով շոյեց նրա գլուխը, ժպտադեմ խառնշտեց մազերը, և ... լցվեցին աչքերը (նաև՝ իմը):
Այսպես՝ ամեն երեխայի հետ, ամեն ցավի ու խիճի հետ, ամեն նոր սերնդի հետ:

Ու տարիներ խլում էին նրա երիտասարդությունից ամեն անգամ մի պճեղ՝ ճերմակն ավելացնելով մազերին:

Անցել են տարիներ, մեր բոլորիս հատուկ ուշադրության պայմաններում Արսենն էլ ավարտել է դպրոցը ու հասուն մարդ դարձել, բայց, համոզված եմ, նրա իշխողությունից երբեք չեն ջնջվի այն վիրակապը, մայրական փառաբան ու ջերմ շունչը, ցավի մեղմումը...

Տարիներ են գլորվել, ու բազում սերունդներ է ուսուցչուհին ճանապարհել դեպի կյանք, որոնք նշանավոր մարդիկ են դարձել:

Այսօր բազմավաստակ ուսուցչուհին թոշակի է անցել՝ չնայած նրան, որ դեռ տալու շատ բան ուներ մեր հասարակությանը, որովհետև դեռ ավյունով ու կորովով էր լցված:

Այսուհանդերձ, սիրելի՛ ընկեր, մխիթարվիր նրանով, որ հոգուդ անթեղած կրակով բազում սրտեր են վառել, ամենացորդ նվիրվել մասնակների հրաշք-աշխարհին, նրանց հետ մանկացել ու իմաստավորել կյանքը:

Քեզ ինչեղու են նրանք, ուն ձեռքից բռնել ու «այք» ու «բեն» են հեզել, ուն հոգուն քո կրակից մի կայծ են պարգևել:

ԷՔՍՏՆՈՆ

ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ Ը Ր Ա Մ Ա Ն

« 21 » հունվարի 2015թ.

N5/Մ

ք. Ստեփանակերտ

2015 ԹՎԱԿԱՆԻ՝ ԴՐՍԵԿՈՒԹՅԱՆ ԶԵՎՈՎ (ԷՔՍՏՆՈՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Լեռնային Ղարաբաղի Հանրապետության կրթության և գիտության նախարարի՝ 23.10.2012 թվականի N181-Ն հրամանով հաստատված՝ «Դրսեկության ձևով (էքստեռն) փոխադրական և ավարտական քննություններ կազմակերպելու կարգի» 20-րդ կետի և 23-րդ կետի 1-ին ենթակետի պահանջները՝

ՀՐԱՄԱՅՈՒՄ ԵՄ

1. Դրսեկության ձևով (էքստեռն) ավարտական քննություններ անցկացնելու իրավունքը վերապահել Լեռնային Ղարաբաղի Հանրապետության կրթության և գիտության նախարարության «Ստեփանակերտի Ա.Սախարովի անվան հ.8 ավագ դպրոց» ՊՈԱԿ-ին:
2. Քննություններն անցկացնել 2015 թվականի փետրվարի 2-ից մինչև մարտի 14-ը ընկած ժամանակահատվածում՝ ըստ կից աշխատակարգի և ժամանակացույցի (Հավելված 1, Հավելված 2):
3. Սույն հրամանի կատարման ապահովումը հանձնարարել նախարարության աշխատակազմի կրթության և գիտության վարչությանը (պետ՝ Ռ.Մուսայեյան)
4. Հրամանի կատարման հսկողությունը վերապահում են ինձ:

Ա. ԱՄՐԱՆ

Հավելված 1
Լեռնային Ղարաբաղի Հանրապետության
կրթության և գիտության նախարարի
2015 թվականի հունվարի 21-ի
N 5/Մ հրամանի

2015 ԹՎԱԿԱՆԻ՝ ԴՐՍԵԿՈՒԹՅԱՆ ԶԵՎՈՎ (ԷՔՍՏՆՈՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԱՆՑԿԱՑՄԱՆ ԵՎ ԿԱԶՄԱԿԵՐՊՄԱՆ ԱՇԽԱՏԱԿԱՐԳԸ

1. Հիմնական կրթության վկայական ստանալու համար դրսեկները՝ «Ռուսաց լեզու», «Օտար լեզու» (ռուսերեն, անգլերեն, ֆրանսերեն, գերմաներեն և այլ օտար լեզու՝ դրսեկի ընտրությամբ), «Համաշխարհային պատմություն», բնագիտական՝ «Ֆիզիկա», «Քիմիա», «Կենսաբանություն», «Հայաստանի աշխարհագրություն» (դրսեկի ընտրությամբ) և «Ռուսաց լեզու, գրականություն» (ռուսերենով ուսուցում ստացած դրսեկների համար) առարկաների քննությունները հանձնում են գրավոր:

1) Քննական թեստերը կազմում է Լեռնային Ղարաբաղի Հանրապետության գնահատման և թեստավորման կենտրոնը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Աշխարհագրություն», «Ինֆորմատիկա», «Տեխնոլոգիա», «ՆԶՊ և անվտանգ կենսագործունեություն» առարկաների քննությունները հանձնում են բանավոր: Քննական հարցատոմսերը կազմում են էքստեռն քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր

առարկայից, գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները՝ «Ռուսաց լեզու», «Օտար լեզու» (ռուսերեն, անգլերեն, ֆրանսերեն, գերմաներեն կամ այլ օտար լեզու՝ դրսեկի ընտրությամբ), «Համաշխարհային պատմություն», բնագիտական՝ «Ֆիզիկա», «Քիմիա», «Կենսաբանություն», «Աշխարհագրություն» (դրսեկի ընտրությամբ), «Ռուսաց լեզու, գրականություն» (ռուսերենով ուսուցում ստացած դրսեկների համար) առարկաների քննությունները հանձնում են գրավոր:

1) Քննական թեստերը կազմում է Լեռնային Ղարաբաղի Հանրապետության գնահատման և թեստավորման կենտրոնը՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն» առարկաների քննությունները հանձնում են բանավոր: Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն հավելված 2-ի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

1) Դրսեկության ձևով քննությունների արձանագրությունները և գրավոր աշխատանքները պահպանվում են Դպրո-

ցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

1) Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝

8-9 միավոր-4	16-17 միավոր-8
10-11 միավոր-5	18-19 միավոր-9
12-13 միավոր-6	20 միավոր-10
14-15 միավոր-7	

7. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը վերահսկվում է Լեռնային Ղարաբաղի Հանրապետության կրթության և գիտության նախարարության կողմից:

Ծանոթություն: Դրսեկության ձևով (էքստեռն) ավարտական քննությունները կազմակերպվում են «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:

Քննությունների սկիզբը ժամը 10:30-ին:

Հավելված 2
Լեռնային Ղարաբաղի Հանրապետության
կրթության և գիտության նախարարի
2015 թվականի հունվարի 21-ի
N 5/Մ հրամանի

ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ

ՄԻՋՆԱԿԱՐԳ ԿՐԹՈՒԹՅԱՆ ԱՏԵՍԱՏ ՍՏԱՆԱԼՈՒ ՀԱՄԱՐ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԺԱՄԱՆԱԿԱՑՈՒՅՑ

	Առարկա	քննության անցկացման եղանակը	քննությունների անցկացման օրերը
1.	ՆԶՊ և անվտանգ կենսագործունեություն	բանավոր	17.02.2015թ.
2.	Հայոց եկեղեցու պատմություն	բանավոր	18.02.2015թ.
3.	Տեխնոլոգիա	բանավոր	04.03.2015թ.
4.	Հասարակագիտություն	բանավոր	20.02.2015թ.
5.	Ինֆորմատիկա	բանավոր	23.02.2015թ.
6.	Համաշխարհային պատմություն	գրավոր	02.03.2015թ.
7.	Օտար լեզու- անգլերեն, ֆրանսերեն, գերմաներեն կամ ռուսերեն	գրավոր	27.02.2015թ.
8.	Աշխարհագրություն	բանավոր	25.02.2015թ.
9.	Ռուսաց լեզու, գրականություն /ռուսերենով ուսուցում ստացած դրսեկների համար/	գրավոր	05.03.2015թ.
10.	Բնագիտություն- Հայաստանի աշխարհագրություն	գրավոր	07.03.2015թ.
	Ֆիզիկա		11.03.2015թ.
	Քիմիա		13.03.2015թ.
	Կենսաբանություն		14.03.2015թ.

	Առարկա	քննության անցկացման եղանակը	քննությունների անցկացման օրերը
1.	ՆԶՊ և անվտանգ կենսագործունեություն	բանավոր	17.02.2015թ.
2.	Հայոց եկեղեցու պատմություն	բանավոր	18.02.2015թ.
3.	Հասարակագիտություն	բանավոր	20.02.2015թ.
4.	Ինֆորմատիկա	բանավոր	23.02.2015թ.
5.	Համաշխարհային պատմություն	գրավոր	02.03.2015թ.
6.	Օտար լեզու- անգլերեն, ֆրանսերեն, գերմ. ռուսերեն	գրավոր	27.02.2015թ.
7.	Ռուսաց լեզու, գրականություն /ռուսերենով ուսուցում ստացած դրսեկների համար/	գրավոր	05.03.2015թ.
8.	Բնագիտություն – աշխարհագրություն	գրավոր	07.03.2015թ.
	Ֆիզիկա		11.03.2015թ.
	Քիմիա		13.03.2015թ.
	Կենսաբանություն		14.03.2015թ.

ՄԵՐՈՒՆԴ

ԿՅԱՆՔՍ ՄԻ ՏԱՐՈՎ ԷԼ ԱՎԵԼԱՑԱԿ

Այդ օրը պիտի գնայի Խնձորիստան՝ բոռուտուհու՝ Տաթևիկի ծննդյան 21-ամյակը շնորհավորելու:

20 տարի անընդմեջ իմ հարկի տակ ենք մշել նրա ծննդյան օրը, բայց այսօր ստիպված ենք զննել նոր հարկի տակ մշելու: Ամռանն է ամուսնացել, նոր ընտանիք կազմել: Ավագ դատերս տան բակը կարգավորում էի, երբ դարպասի մոտ կանգնեց տեխնիկայի ամենավերջին ծնունդը համարվող ավտոմեքենան: Դարպասից ներս մտան երկու առնակազմ, հարթանդամ տղաներ: Մեր մեծ կովը գիշերը մնացել էր հանդում, կարծում էի, թե ինչ-որ մեկին վնաս է հասցրել, եկել էին բողոքելու: Մինչդեռ այս տղաները, ուրախ-ուրախ մոտենալով ինձ, բարևում են ու՝

-Ընկեր Ծահնագարյան, եկել ենք քաղաքի Ձեր տունը, բայց, ցավոք սրտի, այն քանդված էր, և հարևաններից մեկը մեզ հայտնեց, որ Դուք Իվանյանում եք գտնվում, և ահա եկել ու Ձեզ ենք հանդիպել: Խնդրում ենք՝ շորերդ փոխես, մեզ հետ տեղ ենք գնալու:

Նայելով իմ զարմացած հայացքին՝ մեկ էլ... «Ձեք» ճանաչում մեզ: Ձեր աշակերտներն ենք: Դասարանի տղաները հավաքվել, Ձեզ են սպասում: Պարզվում է, որ Ստեփանակերտի հ. 9 դպրոցի 1988 թվականի շրջանավարտներն են: Դպրոց, որտեղ աշխատել են ուղիղ 14 տարի և վերջին դասարանը, որի դաստիարակում են եղել, 1990 թվականին են թողարկել:

Տղաներից ավելի հաղթանակներ է հավիթը, զգալով, որ ես երկնամասնի մեջ եմ, շարունակեց. «Ընկեր Ծահնագարյան, ուղիղ վեց տարի մեզ պատմություն եք դասավանդել, և ավարտելուց հետո ամեն անգամ, երբ հավաքվում էինք, հիշում էինք Ձեզ, բայց չէինք կարողանում հանդիպել, իսկ այսօր թուրքում Ձեզ են սպասում մեր ընկերները և ընկ. Սահակյանն ու ընկ. Ստեփանյանը»: Հարցնում են՝ ինչ թմբի մասին է խոսքը: Նա պատասխանում է. «Միմյուրի թուրքը՝ Կրկժամի մոտ»: «Ա՛խ, Միմյուր...»:

Միմյուրն հիշում են: Բոյով-բուսաթով տղա, որ նստում էր պատմության կաբինետի միջին շարքի վերջին նստարանին: Հիշում են՝ մեր Շարժման ակտիվ մասնակիցներից էր, մասնակցել է նաև մեզ պարտադրված պատերազմին: Հորերբայրը՝ Մայրո Պետրոսյանը, Շուշիի մանկավարժական տեխնիկումի իմ դասընկերներից էր, իսկ մանկական հայտնի վիրաբույժ Նապոլեոն Պետրոսյանը երիտասարդական շրջանի ընկերներից է: Լսել են, որ Միմյուր Պետրոսյանը գնացել է Մոսկվա, աշխատանքի մտել, ընտանիք կազմել, որոշ գումար վաստակել և այդ գումարով հուշահամալիր է կառուցում: Եվ քանի՞-քանի անգամ Կրկժամ մտնելիս վերջին կանգառում տեղացիները հիացմունքով էին խոսել Միմյուրի մասին, որ այդ թուրքը, որի վրա աճած բույսերն էլ անօգտագործելի են, ամառունն էլ այնտեղ չէր կանգնում, հիմա Միմյուրի ջանքերով փոխվել է և բուլղրի ուշադրության կենտրոնում է: Շատ են

ցանկացել մի անգամ լինել այդ տեղամասում և ծանոթանալ իմ նախկին աշակերտի հրաշագործությանը, և ահա տեղում ենք: Միմյուրը «Խուրասենյակի» մուտքի մոտ ինձ էր սպասում: Եթե ընկերների հետ սեղանի շուրջը նստած լինեք, չէի ճանաչի: Ձե՛ք՝ որ ուղիղ 26 տարի է՝ չեմ հանդիպել: Մենք գրկախառնվում, ողջագուրվում ենք, և նա ինձ առաջարկում է տեղավորվել սեղանի գլխավերևում դրված բազկաթոռին: Ողջունելով բոլորին՝ ներողություն են խնդրում, որ մեկ-մեկ չեմ մոտենում ու ձեռք մեկնում, նույնիսկ դպրոցի նախկին տնօրեն, այժմ ԿԳ նախարարության բաժնի պետ Վ.Սահակյանին և դպրոցի նախկին զինղեկ Կ.Ստեփանյանին, շնորհակալություն են հայտնում հրավերի համար և զբաղեցնում ինձ հատկացված տեղը: Նստել էինք «արհեստանոցում», չակերտների մեջ եմ առնում, քանի որ դա արհեստանոցի նման չէր, այլ ավելի շատ նման էր գործարանի, և ինչպես հետագայում ծանոթացա, ինչ որ պիտի օգտագործվի շինարարական, արտադրվում է այդտեղ:

Սեղանը ես եմ ղեկավարում, քանի որ զբաղեցրածս աթոռն այդ էր պարտավորեցնում: Թե ինչ ծանրաբեռնվածության տակ էր սեղանը, չեմ կարող բառերով արտահայտել, բայց որ այս տղաներին 6-րդ դասարանում Միջին դպրոցի պատմության դասին «Ֆեոդալների կենցաղը» թեման անցնելիս գունավոր նկարն են ցույց տվել, ինձ հիշեցրեց այն: Առատ սեղանից օգտվում են իմ նախկին աշակերտները, որոնք միևնույն ժամանակ այս կառույցի աշխատողներն են: Որպես վստահելի մարդիկ՝ Միմյուրն իր դասընկերներին է աշխատանքի ընդունել, և 30 աշխատակիցների զգալի մասը դասընկերներն են: Այո, 30 աշխատակից կա այս կառույցում, և աշխատավարձն էլ՝ նորմալ, նույնիսկ ունանք անձնակազմ 150.000 դրամ են ստանում: Ստացվում է, որ մեր նախկին աշակերտն այսօր 30 ընտանիքի կենսական հոգսերը բավարարող է:

Ինչպիսիք, բոլորը և՛ օգտվում են սեղանից, և՛ աշխույժ գրուցում, հիշում անցյալը, խոսում ներկայից, երազում ապագան: Ժամերը թռչում են րոպեների պես: Տեղս հանգիստ չեմ կարողանում նստել, քանի որ տեղ պետք է գնայի, սակայն Միմյուրի խնդրանքով հայտարարում են փոքրիկ ընդմիջում, և գնում ենք ծանոթանալու կառույց-կորթին: Սեսե հրաշք լինի: Կառույցի որ մասից էլ նայում ենք, կարծես քաղաքը ավիդ մեջ է: Նայում ու ավելի են սիրում քո քաղաքամայրը: Ինչքան գեղեցիկ է, առանձնապես՝ երեկոյան: Նայում են դեպի երկինք խոյացող երկու խոշոր հուշարձաններին, մտքով գնում 1967թվականը. այնպես, ինչպես Երևան քաղաքի բարձրաբերձ, գեղատեսիլ Ծիծեռնակաբերդում կանգնեցված հուշարձան-կորթն է 1915թ. Եղեռնի զոհերի հիշատակին, այնպես էլ Ստեփանակերտից Կրկժամ տանող ճանապարհի ծախ կողմի բարձրաբերձ թուրքում Միմյուր Պետրոսյանն իր միջոց-

ներով կառուցում է հուշարձան-կորթո՞ղ՝ «Հայ ազգի գոյատևման պայքարի զոհերի հիշատակին»:

Թումբը հարթեցվել, գեղատեսիլ բարձունք է դարձել և իր 15 հեկտար տարածքով, որ դարեր, ավելի ճիշտ հազարամյակներ շարունակ չէր խոսում, լայ էր, այսօր լեզվի կապանքները բացվում են և խոսելու է աշխարհով մեկ, հայտնելու, որ եթե դարեր շարունակ մեզ չհեղեին, չտիրապետեին, և մեր գոյատևման պայքարում այնքան զոհեր չտայինք, ապա այսօր ոչ թե 10 միլիոն կլինեինք, այլ 300-ից 500 միլիոն հայ կլինեիր աշխարհում:

Մեծ հետաքրքրությամբ ծանոթանում ենք հուշահամալիրի կառույցներին: Հաճույքով հաշաղբյուրի զուլալ ջրով հագեցնում ենք մեր ծաղկով: Խաչաղբյուր են ասում, քանի որ պատրաստված է մեծ խաչ, որի կենտրոնից բխում է քլքլան աղբյուր և չորս մասի բաժանված՝ հոսում հատուկ պատրաստված տեղը: Ջուր, որ հավերժության ու կենդանության խորհրդանիշ է: Մտնում ենք ներս, գետնի տակ մի քանի հարկ կազմող թանգարան է, որտեղ ամեն ինչ հարդարված է, որտեղ պետք է հարուստ նյութեր տեղադրվեն՝ ցուցադրելու հայ ժողովրդի ազատագրական պայքարի դրվագներին: Բայց դե ի՞նչ քար. ամեն քար, որ մի քանի տասնյակ տոննանոց է, հղկված է, և նրանց վրա Մետրոպոլիտի լույսով շարադրված են «Հայոց պատմության» բազմաթիվ էջեր՝ սկսած Հայկ նահապետի տված ճակատամարտերից՝ վերջացած Շուշիի, Արցախի հինավուրդ մայրաքաղաքի ազատագրումով: «Եթևկուսավարները» լապտերների լույսով ցույց են տալիս քարե սալիկների վրա գրված և փորագրված արձանիկները: Հարցնում են ինձ, ու մեկ էլ ինձ հետ միասին պատասխանում են՝ քրիստոնեությունը, որպես պետական կրոն, մենք ընդունել ենք 301թ., Ավարայրի ճակատամարտը՝ 451թ., Մետրոպ Մաշտոց. հայ գրերի գյուտը՝ 405թ., Գյուլիխտանի պայմանագիր՝ 1813թ. հոկտեմբերի 12, Սարգսյանների ճակատամարտը՝ 1918թ. մայիս: Ես հիանում էի իմ նախկին աշակերտներով, որ այդպես հայոց պատմությունը անմահացրել են քարերի վրա: Գետնափոր կառույցը ոչ սկիզբ ունի և ոչ էլ վերջ, կարծես լաբիրինթոս է, առանց ուղեկցի հնարավոր չէ դուրս գալ: Այնուհետև ծանոթանում ենք կառույցի մյուս մասերին ու մտովի պատկերացնում, թե այս հուշարձան-համալիրը կառուցման ավարտից, բացումը կատարելուց հետո ինչպիսի եռուզեռ է լինելու այս բարձունքում: Այս կառույցով մեր քաղաքի (և ոչ միայն) բնակչության ստանալու են մի գեղատեսիլ «Հանգստի գոտի», որտեղ

անց են կացվելու հարսանյաց հանդեսներ, ծննդյան օրեր, կնունքներ, պարահանդեսներ, զանազան սպորտային մրցույթներ, նույնիսկ՝ ծիարչավներ, այո, այո, ծիարչավներ: Կառույցի վերջին մասում Միմյուրն ինձ ցույց է տալիս ծիարանը(ախոռը), որտեղ պահվելու և վարժեցվելու է 18 դարաբաղյան ծի՝ մրցույթներ կազմակերպելու նպատակով:

Ավելի քան չորս միլիոն ԱՄՆ դոլար է ներդրել այս հոյակապ կառույցի շինարարության համար մեր 9-րդ դարոցի 1988-ի շրջանավարտը, որն այսօր հայոց պատմությունը ոչ միայն անգիր գիտի, այլև իր ձեռքով փորագրել է հղկած քարե սալիկներին, որպեսզի բոլորի գիտակցությանը հասցնի: Պատկերացնո՞ւմ եք՝ քանի՞-քանի զբոսաշրջիկ է լինելու այստեղ, ծանոթանալու մեր պատմությանը և այս հուշարձան-համալիրով հիացած՝ աշխարհի հանրությանը հասցնելու, թե ինչի է ընդունակ հայը, դարաբաղցին:

Այնպես որ, իմ ամենաերջանիկ օրերից մեկն էր, և կյանքս մի տարով էլ ավելացավ: Աշակերտս՝ Միմյուր Պետրոսյանը, որին հայոց պատմությունից «4» են մշանակել, այսօր ապացուցեց, որ սխալ են գնահատել, և մեծ հաճույքով սխալս ուղղում են ու նշանակում «5+», միաժամանակ մտորումների մեջ ընկնում. ախր շատ աշակերտ էլ են ունեցել, որին «5» են մշանակել, բայց նա կյանքում հայանապատ ոչինչ չի արել իր գերդաստանով, ամեն ինչի դիմել է, միայն թե հարստանա, այնպիսին էլ կա, որ նույնիսկ իր ուսուցչի խնամքով այգեմասին է տիրացել: Ինչ են ուզում ասած լինել. մենք լավ չենք ճանաչել մեր աշակերտներին, առանձնապես այսօրվա աշակերտներին, որոնք, մասնավոր սեփականության քաղցրությամբ տարված, ոտնահարում են որոշ սրբություններ:

Քանի՞-քանի անգամ մամուլում հանդես են եկել, որ նոր հասարակություն, քաղաքացիական հասարակություն ենք կառուցում, և այդ նոր հասարակությանը նոր մարդ է հարկավոր, և նրա դաստիարակությամբ ոչ միայն պիտի զբաղվի դպրոցը, այլ նաև եկեղեցին, համայնքը, համայնքի ղեկավարությունը, ՁԼՄ-ները, իսկ ամենից շատ՝ ընտանիքը: Ընտանիքն է նոր հասարակության հիմքը, և ընտանիքի հետ պետք է լուրջ աշխատանք տարվի: Ինչպես տեսնում եք, Պետրոսյանների գերդաստանը գերհայրենասեր մարդ է դաստիարակել, և մեր հասարակությունը այդպիսի մարդկանցով պիտի համալրվի: Ուստի, խնդրում են «Լուսաբար»-ի իմ շատ պաշտելի խմբագրին, որ ժամանակ գտնի ու իր համարներից մեկում մամուլամանորեն տեղեկություններ տա (իհարկե, նկարներով էլ) մշածս հուշահամալիրի մասին: Եթե կարիք լինի իմ օգնության, պատրաստ եմ ուղեկցելու:

Մառլեն ՀԱՅՆԱԶԱՐՅԱՆ
Անհարական թոշակառու, ուսուցիչ

ՇՆՈՐՀԱՎՈՐԱՆԵՐ ԳՈՐԾԸՆԿԵՐՈՋԸ



Հաղորդի Մ.Մանվելյանի անվան միջնակարգ (հոսքային) դպրոցի կոլեկտիվը շնորհավորում է դպրոցի վաստակաշատ դասվար Լյուդմիլա Գյուլիխտանյանին՝ 60-ամյա հորեյանի կապակցությամբ:

Հարգելի տիկին Գյուլիխտանյան, Ձեր մանկավարժական գործունեության բազմամյա փորձը ուսանելի է մանկավարժության ոլորտում:

Որպես մաշտոցյան պատգամի աչալուրջ հետևորդ՝ Դուք կրթել ու դեպի մեծ կյանք եք ուղղորդել սերունդների, որոնք պայքարել են մեր հայրենիքի ազատության, անկախության համար՝ դառնալով քաջարի մարտիկներ:

Ինչպես մանկավարժության, այնպես էլ ընտանեկան միջավայրում լավագույնս են դրսևորվում Ձեր մարդկային բարձր արժանիքները՝ հայ կնոջ բոլոր առաքինություններով հանդերձ:

Թող ձեր կյանքի ուղին լեցուն լինի խինդով ու ցնծությամբ:

«Հաղորդի Մ.Մանվելյանի անվան միջնակարգ (հոսքային) դպրոց» ՊՈԱԿ-ի մանկավարժական կոլեկտիվ

ԸՆՏԱՆԻԹ- ՄԱՆԿԱՊԱՐՏԵՉ ՀԱՄԱԳՈՐԾԱԿՑՈՒԹՅԱՆ ԺԱՄԱՆԱԿԱԿԻՑ ՁԵՎԵՐԻՑ

Հաթերքի պետական մանկապարտեզի «Արևիկ» խմբի դաստիարակների կազմակերպած «խոհարար մայրիկ, խոհարար բալիկ» թեմայով մրցույթի թողած տպավորությունը դեռ երկար ժամանակ կուղեկցի նրա մասնակիցներին:

Մրցույթի նպատակն էր խոհարարական սննդակարգի մասին գիտելիքների ձեռքբերումը, ինչպես նաև զարգացնելու տալ ուսուցիչի օգտակարության, նրա պատրաստման, սննդակարգի ծագման մասին:

Մրցույթին մասնակցում էին «Արևիկ» խմբի բոլոր երեխաներն իրենց ծնողների հետ: Մրցույթն անցկացվեց 2 փուլով: Առաջին փուլում երեխաներն իրենց ծնողների հետ բաժանվեցին 3 խմբի: Առաջին խումբը պետք է պատրաստեր մեր հայկական, ավանդական ժենդալով հացը, երկրորդ խումբը պետք է պատրաստեր իտալական պիցա, երրորդ խումբը՝ թիվածաբալիքներ: Երեխաներն ու ծնողները հազել էին խոհարարական համազգեստ: Խմբերը սկսեցին հերթականությամբ ներկայանալ: Նրանք ներկայացրին իրենց խմբի բոլոր անդամներին, ինչպես նաև մանրամասն՝ պատրաստվող ուսուցիչի օրնակը, բաղադրատոմսը և պատրաստման եղանակը: Ծնողները երեխաներին ծանոթացրին նաև էլեկտրական սարքավորումներին, որից հետո սկսեցին իրենց խոհարարական հմտություններով վարակել երեխաներին: Նրանք ուրախ ու ակտիվ էին և իրենց փոքրիկ խոհարարներ էին պատկերացնում: Բավական էր մայրը նրանց աչքերի փայլին, անկեղծ ու երջանիկ ժպիտներին՝ հասկանալու համար նրանց ոգևորության և ուրախության աստիճանը: Մայրիկները մեծ սիրով բա-

ցատրում ու ցույց էին տալիս իրենց բալիկներին ուսուցիչի պատրաստման ողջ գործընթացը:

Մրցույթի երկրորդ փուլում խմբերն առանձին-առանձին ներկայացրին իրենց պատրաստած ու գեղեցիկ ձևավորած ուսուցիչները: Ժյուրին հայտնեց իր կարծիքը, խմբի ազգաները նույնպես կարծիք հայտնեցին: Յուրաքանչյուր խմբից մեկ մայրիկ և մեկ բալիկ հաղթող ճանաչվեցին: Մանկապարտեզի տնօրեն Լուրա Պողոսյանը հաղթողներին պարգևատրեց «Լավագույն խոհարար մայրիկ», «Լավագույն խոհարար բալիկ» պատվոգրերով:

Վերջում պատրաստված ուսուցիչներով սեղան դրվեց, և բոլորը միասին համտեսեցին: Արդյունքում երեխաների մեջ ձևավորվեց սպասարարման ճաշակ, կարողություն, հմտություն, հետաքրքրություն, աշխատասիրություն, լսելու ընդունակություն և համարձակություն:

Ցանկալի է մանատիպ միջոցառումներ կազմակերպել բոլոր մանկապարտեզներում, քանի որ դրանք նպաստում են ընտանիք-մանկապարտեզ կապին: Ինչպես ասում են՝ մանկապարտեզը և ընտանիքը նույն գետի երկու ափերն են: Համագործակցելու համար պետք է կրճատել և միասին հարթեցնել երկուսի միջև ընկած տարածությունը:

Արփինե ՍԱՐԳՅԱՆ
Հաթերքի պետական մանկապարտեզի դաստիարակ

ՀՈՒՄԱՆԻՏԱՐ

ՆՈՐԱՆՈՐ ՀԱՐՑԱԶՐՈՒՅՑՆԵՐԻ ԱԿՆԿԱԼԻՔՈՎ



Լրացավ բանաստեղծ, քարզմանիչ, հասարակական գործիչ, բանասիրական գիտությունների դոկտոր, պրոֆեսոր, ԼՂՀ գիտության վաստակավոր գործիչ Սոկրատ ԽԱՆՅԱՆԻ ծննդյան 85 և գրական, գիտամանկավարժական գործունեության 65-ամյակը: Մեր հարցազրույցը անվանի մտավորականի հետ:

Սոկրատ Աղալարի, նախ, թույլ տվե՞ք «Լուսարար»-ի բազմահազար ընթերցողների անունից Ձեզ շնորհավորել ծննդյան 85-ամյակի առթիվ մարտի 2-ին աննշանակալի մահին: Ասացե՞ք, խնդրեմ, ո՞վ է Սոկրատ Խանյանը. բանաստեղծ, գրականագետ, մանկավարժ...

Սոկրատ շնորհակալություն «Լուսարար»-ի ընթերցողներին: Ընդհանրապես, որ չեք մոռացել իմ ծննդյան օրը, ասել է թե՛ «Լուսարար»-ի ակտիվ ընթերցողին, թերե՛ք, որի բաժանորդն եմ հիմնադրման օրից: Բացի այդ, «Լուսարար»-ի ընթերցողների մեծ մասն իմ ուսանողներն են՝ այսօրվա իմ գործընկերները: Ուսուցիչ լինելը, իրոք, երջանկություն է, որովհետև ուսուցիչն ապրում է իր սաների մեջ, սաները՝ իրենց ուսուցչի կրծքի տակ:

Չեմ թաքցնում, ես երջանիկներից մեկն եմ, քանզի Աստված իր շնորհներից մի քանիսն է նվիրել ինձ: Ես դա զգացել եմ դեռևս դպրոցական տարիներին: Գերազանց սովորելուց բացի ստեղծագործում էի: Պատկերացնում էր, 3-րդ դասարանում մասնակցեցի մարզային օլիմպիադային, և իմ «Ով է նվիրել» բանաստեղծությունը տպագրվեց «Սոկրատ»-ի 1-ին համարում: Իմ երաժիշտ քեռիների շնորհքն անցավ ինձ: Սկսեցի նվագել ժողովրդական գործիքներով: 8-10-րդ դասարաններում սովորելիս կազմակերպել էի երգի-պարի համույթ, համդես էինք զալիս նաև հարևան գյուղերի ակումբներում: Բանաստեղծն Աստծո պատվիրանների իրականացումը հարցազրույց է, նրա քարտուղարը: Ընդհանրապես բանաստեղծը պետք է լինի նաև շնորհալի գրականագետ, իսկ գրական հայացքներին ո՞վ կարող է գրողից առավել տիրապետել: Բանաստեղծն ու գրականագետն իմ մեջ ապրում են համերաշխ, իրար չեն խանգարում, ինչ-որ տեղ նույնիսկ օգնում են միմյանց: Ինչ վերաբերում է մանկավարժին, կարող եմ ասել, որ 3-4-րդ դասարաններում իմ ուսուցիչը եղել է ավագ եղբայրս՝ Սուրեն Խանյանը, որը նոր էր ավարտել Հայոստի մանկավարժական ուսումնարանը և աշխատանքի անցել մեր գյուղի դպրոցում: Նա 1941-ին մեկնեց ռազմաճակատ ու նահատակվեց հերոսաբար: Միշտ երագել եմ եղբորս նման դառնալ անկախավարժ, ու կատարվել է իմ երագանքը: Այնպես որ, Սոկրատ Խանյանի դիմանկարում համահունչ են բանաստեղծ-գրականագետ-մանկավարժ կոչումները:

Երկարամյա գիտամանկավարժական աշխատանքի ընթացքում մի քանի սերունդների եք դասավանդել: Ծիշո՞ւ է, որ Ձեր նախկին ուսանողներին դեմքով և անուններով հիշում ու ճանաչում եք:

Այո, ճիշտ է: Իմ նախկին ուսանողներին հիշում ու ճանաչում եմ ոչ միայն դեմքով և անուններով, այլև հիշում եմ, թե որ լսարանում որ նստարանին էր նստում:

Կարծիք կա, որ գրականագիտությունը որպես գիտություն Արցախում և Հայաստանում նահանջ է ապրում: Կիտո՞ւմ եք այս կարծիքը:

Գրականագիտությունը լայն հասկացություն է: Ընդհանրության մեջ այն նահանջ ապրել չի կարող: Նրա երեք հիմնական բաժիններից այսօր, կարելի է ասել, իր բարձրության վրա չէ «Գրական քննադատությունը», սակայն նահանջ է ապրում «Գրականության տեսությունը»: Բավարար հիմքերի վրա է «Գրականության պատմությունը»: Վերջին տարիներս լույս են տեսել ոչ քիչ մենագրություններ, դասագրքեր, օժանդակ ձեռնարկներ և այլն:

Ի՞նչ կասե՞ք Արցախում ստեղծվող գրականության մասին: Համահայկական գրական դպրոցում այն ուրույն տեղ ունի՞:

Մինչև Արցախյան ազգային-ազատագրական պայքարը, սկսած 1954 թվականից՝ որոշակի տեղաշարժ նկատվեց Արցախի գրական ընտանիքում: Հանդես եկան Ա. Աբրահամյանը, Բ. Նուրբայանը, Բ. Ջանյանը, Ի. Ավակյանը, Մ. Յախչյանը, Իսպիրյանը և ուրիշներ: Այս ասպարեզ իջավ Գ. Գաբրիելյանի, Մ. Հովհաննիսյանի, Գ. Բեգլարյանի, Ս. Խանյանի, Ն. Ավագյանի, Ա. Հովհաննիսյանի, Վ. Օվայանի սերունդը: Արցախի սերունդն իրեն զգալ տվեց նոր թարմ ուժերով: Հանդես եկան Կ. Հարությունյանը, Կ. Դանիելյանը, Ա. Թովմասյանը, Գ. Ալեքսանյանը, Ժ. Բեգլարյանը, Կ. Գաբրիելյանը, Ն. Գասպարյանը, Ս. Որբը, Դ. Միքայելյանը, Ռ. Եսայանը, Ն. Սողոմոնյանը, Ա. Արսենյանը և ուրիշներ: Սակայն ճշմարտությունը պահանջում է նշել, որ համահայկական գրական դպրոցը նոր երանգներով ստեղծվեց Արցախյան պատերազմի տարիներին և, այսպես կոչված, «Ոչ խաղաղություն-ոչ պատերազմ» ժամանակաշրջանում: Վստահ կարող եմ ասել, որ Արցախում ստեղծվող գրականության մեջ կան արձակ և չափածո այնպիսի երկեր, որոնք համապատասխանում են գրական բարձր մակարդակի երկերի գեղատեսչական չափանիշներին: Ժամանակը՝ ամենաարդարացի քննադատը, հետագայում ասելու է իր խոսքը:

Քանի՞ գրքի հեղինակ եք:

Հեղինակ եմ 25 բանաստեղծական ժողովածուների, 35 գրականագիտական ուսումնասիրությունների: Կարևորում եմ նաև այն հինգ բանաստեղծական գրքերը, որ թարգմանել եմ ռուսերենից: Ընտանի կտպագրվի Մ. Առստանյանի «Հայոց ցեղասպանությունը գերմանական և ավստրիական գրականության մեջ» աշխատությունը՝ իմ թարգմանությամբ:

Ստեղծագործական առումով ո՞ր տարիքում է եղել Ձեր ամենաբեղմնավոր շրջանը:

Ստեղծագործական իմ ամենաբեղմնավոր շրջանն առնչվում է Արցախյան ազգային-ազատագրական պայքարին և հետպատերազմյան շր-

ջանին: Մենք՝ Արցախում ապրող գրողներս, ազատագրվեցինք նաև ստեղծագործական առումով: Չերթազատվեցինք մի կողմից խորհրդային կաղապարող գաղափարաբանությունից, մյուս կողմից՝ Արքե-ջանի ՊԱԿ-ի վերահսկող գրաքննչությունից: Մեր հոգիներում ճշաց հայկականը՝ ազգայինը, որը չէր կարող չունենալ իր դրական արդյունքը: Իմ նվաճումներից են «Արցախի արծիվը» պոեմը, որն արժանացավ ԼՂՀ եղիշի անվան մրցանակին, «Նահատակ լուստ» պոեմը՝ նվիրված անմահ հերոս Ավոյի սիրահանին: Տպագրվեցին իմ բանաստեղծական նոր ժողովածուներն ու գրականագիտական ուսումնասիրությունները:

Ի՞նչ նոր ծրագրեր ունեք առաջիկայում:

Աշխատում եմ բանաստեղծական նոր ժողովածուի վրա: Հետևում եմ մեր գրական օջախի ներկայացուցիչների նոր խոսքին: Հրատարակության եմ պատրաստում մի նոր ժողովածու՝ նվիրված Արցախի կին ստեղծագործողներին: Գրական ընթացքն ունենում է նաև անակնկալներ: Իսկ ես ընդունում եմ ուրախացնող անակնկալները:

Երկարակեցությունը որևէ բանաձև ունի՞: Կարո՞ղ եք ասել «Հավերժ երիտասարդության» գաղտնիքը:

Երկարակեցությունը, անշուշտ, ունի իր բազմազան բանաձևերը: Դրանք են տոհմածառի կողմը, գուցե անվանեք՝ գենը: Պապս ապրել է 110, հայրս՝ 100 տարի: Աշխատասիրությունը: Աշխատանքը բերկրանք է, որը մարդկային կյանքի գույլ աղբյուրներից մեկն է: Բարությունը, առաջին հերթին ընկերոջ, բարեկամի, հարևանի հաջողությամբ ուրախանալը: Խմիչքի չափավոր օգտագործումը: Զօխելը, երբեք չեմ ծխել՝ հորս հորդորով: Ընտանիքում երեխաների և նրանց նոր համրեց եղած աստվածահաճո վերաբերմունքը: Այս և նման առաքինությունները մարդուն առում են կենսասիրության թևերին ու տանում դեպի երկարակեցության ծաղկադաշտ:

Ի՞նչ կնադրե՞ք ինքնեթոր Ձեզ, որը 85-ամյա հոբելյանի առիթով հնչած շնորհավորանքներում դեռևս չի ասվել:

Ես ինձ կցանկանայի քաջառողջություն՝ մեր ժողովրդի ապահով անվտանգության պայմաններում: Իմ 85-ամյա հոբելյանի առիթով հնչած բոլոր շնորհավորանքները միաժամանակ պարտավորեցնող պատվիրաններ են: Օգտվելով առիթից՝ «Լուսարար»-ի միջոցով իմ սրտանց շնորհակալությունն եմ հայտնում ԼՂՀ վարչապետ Արա Հարությունյանին՝ «ԼՂՀ վարչապետի հուշամեդալով» ինձ պարգևատրելու համար: Իմ շնորհակալությունն եմ հղում նաև ԼՂՀ ԿԳ նախարար Սևակ Ասրյանին՝ նախարարության պատվոգրով պարգևատրելու կապակցությամբ:

Դե, ուրեմն՝ անփոփոք բոլոր բարեմարտներն ու կրկին հասցեագրելով Ձեզ՝ ակնկալե՞ք նորանոր հարցազրույցներ հաճելի առիթներով:

Անփոփոք խոսքն ընդգծեմ «Ընդհանրապես» սրտաբուխ արտահայտությամբ: Վստահ եմ, որ առաջիկա տարիներին հարցազրույցների առիթներ կլինեն: Մեր ժողովրդին մաղթեմք խաղաղ կյանք, մեզ՝ նվիրում մեր ընտրած գործին:

Սվետլանա ԽԱՆՅԱՆ

ՍՈՎՐԱՏ ԽԱՆՅԱՆ

ԲԱՆԱՍՏԵՂԾՈՒԹՅՈՒՆՆԵՐԻ ԸՆՏՐԱՆԻ

ՄԱՇՏՈՑ ԱՐՑԱՒՈՒՄ

Եվ նա եկավ Արցախ, Այբուբենի լույսով հոգին լեցուն, եկավ որդու նման, Աստծո նման եկավ, Որ Արցախին բաշխի գոց լեզուն: Ու թրթռաց սիրտը արցախական հողի, Ու ճառագեց հոգին արցախական, Շրջեց ավան ու շեն քայլով արարողի Ու մեռնով օծեց անապական: Եվ Արցախը դարձավ անմահ լուստ խորան, Հավատը կար, չկար սաղմուն հայոց, Բացվում էին խոսքից, խորհուրդներից նրա Բազուն հոգիների դմները գոց: Նրա շնչից ծնվեց դպիրն Ամարասի, Պատմագիրը ծնվեց, երգիչը մեծ, Հայոց երգերը ին, նման մեղվապարսի, Շուրջապարի մեջ առան բարձունք ու քերծ: Ու շերթը ձգվեց մեծարանուն մանկանց, Մեծարանուն օջախ, սեր ու հարգանք, Անգամ բողբոջներին ու թերթերին ծաղկանց, Հովը պար էր բռնում նրա անվամբ: Եվ նա եկավ Արցախ՝ լույսը հոգու վրա եվ դարերում դարձավ նրան աստար, Նրա աղոթքներով, օրհնամբներով նրա Ողջ Արցախը դարձավ մեծարանուն:

ՂԱՐԵՐԻ Ի ՎԵՐ

Ղարերդ ի վեր, դարերդ ի վար, Մաճի ճեղհ, հատու գենք, Սարերդ ի վեր, սարերդ ի վար Շփուն արտեր, կալի երգ, Հոգիդ լույսի մի շատրվան, Սիրտդ՝ անհուն տիեզերք... Քեզ նետեցին կառավարան, Մի նեճ ուղեղ, մի սև ձեռք, Սակայն էլի ուղիդ անցար Եվ տքնանքով, և՛ փառքով, Ուրբերիդ տակ միշտ վար ու ցանք, Տաշտուն՝ արդար հացը քո: Հույսի հունդերդ դու ցանցիդ Պապենական դաշտերում, Քաջի նման մաքառեցիդ, Աշխարհացունց մարտերում:

Արդ, ազատված դուրսգալի պես, Հայացքդ դեպ Հայաստան, Չառս ես եղել ու ճշում ես Հանուն մեր հին ու նոր տան: Քո պատիվն ես դու պաշտպանում, Քո անունը, քո լեզուն, Բայց քնած է խիղճն աշխարհի՝ Հանցանքներով առլեցուն: Քեզ խաչել են ուզում հավետ Քո աստղածին լեռներում, Բայց դու հաշտված դարերիդ հետ, Ոստիներդ չես ներում: Պայքարում ես պատվիր համար Չավակներով քո անվախ, Դու իմ բախտի միակ կամար, Հազարամյա իմ Արցախ:

ԱՌԵՂԾՎԱԾ

Մի տողիս մեջ ծայրն է պապիս, Մի տողիս մեջ՝ հորըս, Մի տողիս մեջ երգն է տատիս, Մի տողիս մեջ՝ մորըս: Մեկում շունչն է իմ քաջ եղբոր՝ Բեռլինի մոտ գոհված, Մեկում՝ շունչն է խիզախ որդուս, Նոր մարտերում կոփված: Մոռվի հետ գրուցելիս Պապիս ուժն եմ առնում, Պապիս փառքը գովերգելիս Սարն է դեմս հառնում: Թարթառի հետ խոսք բացելիս Տասս է քնքուշ ժպտում, Տատիս հուշը երգ դարձնելիս Թարթառն է իմ սրտում: Քեզ երգելիս՝ իմ սրտի մեջ Մեր գետերն են հոսում, Մեր սարերին երգ ծոնելիս Մեր պապերն են խոսում... Այդպես, ահա, երկիրն իմ սուրբ, Չուված կրակ-հեթիս, Չայիայում է սիրտը իմ նուրբ, Թեև տալիս երգիս:

ԻՍ ՈՒՄՈՒԹԻՉ

Նվիրում եմ հայոց ուսուցիչներին

Իմ ուսուցիչ, իմ արև, ծնողափրոս իմ Աստված, Քո փայլալայտ ծաղիկն եմ՝ երագել ես, որ բուրեմ,

Մեծարագիր իմ բախտի հավերժախոս այգաբաց, Թող ծնկի գամ քո առջև ու մատներդ համբուրեմ:

Այբուբենված իմ արյան կանցը ծայրն է քո հոգու, Իմաստության իմ առուն կարկաչուն է քո մտքով, Ինձ պարզաստ քո հույսին ոչ մի մշուշ չի չուրում,

Ոչ մի չար ուժ չի անցնում հայրենակուռ իմ կողքով:

Իմ հողեղեն տեմցերին ոգեղենը հյուսեցիր, Ջրդեղեցիդ իմ կամքը, Քաջն Հայկի հրի մեջ, Քո պատգամով օծելու ծանր բեռը ուսեցիր, Բուրվառելով քո հոգին ու քո սիրտը լուսառեջ:

Արծաթեցին քունքերդ, ու ձյուն իջավ մազերիդ, Քո ճերմակուն Չարեցի երգած Մասիսն եմ տեսնում,

Համբարձունյան գերաստղի աստղալեզու դասերով Թեև առած Արցախի Մոռվն ու Քիրսն եմ տեսնում:

Ամեն եկող նոր սերունդ դասիդ դմբերն է բացում,

Քեզ վստահում թոռների ու ծոռների ապագան,

Երախտիքի իմ խոսքը հնչում է ոնց հիացում,

Քրիստոսված քո սիրով տիեզերք ես արևակա:

Մի գինվորյալ ուսուցիչ, իմ Անդրանիկ, իմ Ավո,

Ազատաբաղձ իմ ոգու հայրենաշունչ դու իմ դաս,

Աշխարհացի սպիտուքն էլ ջերմանում է քո հրով

Ու հաստատում, որ ազգը կապրի հավերժ քանի կաս:

ԻՍ ՄԱՅՐ ԵՐԿԻՐ

Քո դեմ-դիմաց ոստիսն է չար, Ընազայլի ոռնոցներով, Իր պարտության մեջ հիշաչաք՝ Նենգ ու զագիր հիշոցներով: Քեզ այցելող, քեզնով հպարտ, Քո ամեն մի բարեկամի, Սև ցուցակում ազդեցական Համարվում է իր թշնամին: Գորշ զայլերի մոռնով գորշ, Հոտոտում է ճանվեքը քո, Քո հարվածից պարտավածներից Պսակում է դատարկ փառքով: Ես գինվորդ, երգիչդ քաջ, Դու իմ գեները և բառն ես իմ, Չեմքս դրած սրտիս վրա՝ Շշմում եմ՝ դու մայրն ես իմ: Մոր պատիվը որդու համար Ամեն ինչից թանկ ու վեր է, Կռվի դաշտում կամք է համառ, Հաղթանակի կուռ թևեր է: Ես կռվում եմ բաց ճակատով, Չեմ հարվածի քնած մարդուն, Ես գյադա չեմ ազդեցական, Սասնա ծուռ եմ՝ ուժն իմ սրտում: Մեր երկինքը Աստուծոց թաքուն Թուրք-ազերից պատեց մուժով, Մենք պատմության մեծ սխալը Պիտի ուղղեմք թրի ուժով:

ՀԱՅՈՒՅԻ

Թխաշող մագերդ փունջ արած, Փռել ես նրբագեղ ուսերիդ, Դա լեռան աղբյուրն է վարարած, Թե՞ վառվող ցուլերն են հույսերիդ: Առաջին սիրո կանչն է՞րն եմ, Թե՞ ցուլը մանկության օրերիդ, Արևին առաքած երա՞զն է՝ Մայրիկիդ թևավոր օրորի: Հայուհի, իմ հրաշք հայուհի, Դու քայլող Անահիտ դիցուհի, Տիգրանված կապույտը քո հոգու Բերել ես մեր դաժան դարերից, Բերել ես՝ մաղելով ցավերդ, Փնջելով վարդերը բուրավետ, Բերել ես՝ թաղելով դավերդ, Դառնալով բարություն առհավետ: Թող շոյեմ վարսերդ, իմ անգին, Թող շոյեմ՝ թեկուզև բառերով: Եռացող մաճառ է սերդ հին, Որ չի հնացել դարերով: Հայուհի՛, դու անմար արեգակ, Դու սիրո օրհներգ կրծքիս տակ:

ՎԵՐՋԻՆ ԷՋ

ԹԵ ԻՍԱՆԱՅԻՐ...

Լուսավոր հոգիների մարունը նման է բնության մեջ տեղի ունեցող Լուսնի և Արևի խավարումներին: Երբ շուրջդ ես նայում ու գտնում, որ պակասեց լույսը, ու շատ ես ակսոսում, որ այլևս չես լսելու հոգիդ ջերմացնող խոսքերը, չես տեսնելու բարություն շատրվանող դեմքը:

Կորստյան մեծ ցավը կեղեքում է հոգիդ, ու սփոփանքի խոսքեր չես գտնում: Այդպես մարեց լուսավոր մի կեսն հիշողության մեջ:

Ամայա Շիրոյան... անուն, որ շատերի հոգում դաջվեց իբրև պայծառ ու լուսավոր մի կերպար: Անուն, որ դեռ շատ երկար է հնչելու ոչ միայն ընկերների, հարևանների, հարազատների, այլև իրեն աշակերտած տասնյակ հարյուրավոր սաների շուրթերից, որոնց բախտ է վիճակվել լսելու սիրելի ուսուցչուհու ոսկեդեմքի հայերենը:

Երբ խոսում էր նա, քվում էր, թե բարդին է ներդաշնակ երաժշտությամբ ստասփում, թռչունի դայլայլն ես ունկնդրում, գիժ առվակ է խոխոջում, լեռնային աղբյուրն է զլզլում... Հմուտ մանկավարժի շուրթերից ուղղակի լույս ու մեղր էր թափվում:

Մուսալեռնի հայուհին անցյալ դարի 70-ականներին իր ընտանեկան երջանկությունը գտավ արցախցու հետ անունանալով: Մուսալեռնիների պես արցախցիներն էլ էին խիզախ ու անկուն, և նրա համար այս փորձի երկիրը դարձավ հարազատ հայրենիք:

Ոսկեդեմքի հայերենը նրա շուրթերին քեր էր առնում ու տարածվում լսարանում:

Հրաշալի մանկավարժին կարելի էր ժամերով լսել ու երբեք չհոգնել:

Ինձ բախտ է վիճակվել տարիներով նրա հետ միասին Կարմիր խաչի լիազորությամբ միևնույն առաքելությունը կատարել՝ դասախոսություններով հանդես գալ տարբեր լսարաններում (հիմնականում դպրոցներում): Մոտիկից շփման արդյունքում ես ձեռք եմ բերել պարզ ու անկեղծ մի գործընկերոջ, որից միայն դրական լիցքեր կարելի էր ստանալ, որովհետև չարն ու նախանձը նրա բնավորության մեջ իսպառ պակասում էին:

Եվ այսօր, սիրելի՛ Ամայա, դու լքեցիր բարության շարքերը: Երկնային դրախտի դռները բացվեցին քեզ նման լուսավոր հոգու առաջ, ու դու գնացիր՝ ծուլվելու սուրբ հոգիներին:

Հարյուրավոր մարդկանց աչքերից լուսե արցունքներ քամեցիր: Ծով արցունքներ, որ վկայում են քո հանդեպ տածած մեծ սիրտ ու խոնարհումի մասին:

Թե իմանայիր՝ որքան ենք սիրում քեզ...

Իմ լուսահոգի ընկերուհի, լուսասփյուռ իմ բարեկամ, դու ընդամենը 62 տարեկան էիր և դեռ ինչքան բան ունեիր տալու սերունդներին, ինչքան բարություն ունեիր սփռելու շուրջը...

Ինչու՞ է կյանքը այսքան դաժան լավ մարդկանց հանդեպ:

Բարի ճանապարհ քեզ դեպի երկնային արքայություն:

Արցախի գավակների արյամբ սրբագործված հողը թող փետուրի պես թեթև լինի քո լույս հոգու վրա:

Թե իմանայիր՝ որքան ենք քեզ սիրում... շատ ակսոս...

Սուրայա ՂԱԶԱՐՅԱՆ
Գ. ԻՍՆԱՊԱԿ

Խոսք հիշատակի

ՃԻՇՏ ԱՊՐԱԾ ԿՅԱՆՔ



Յուրաքանչյուր:

Կյանքի 63-րդ տարում մեր շարքերից հեռացավ գիր ու գրականության, բառ ու բանի ամխոն մշակ, լույսի ու բարու սերմնացան Ամայա Շիրոյանը: Հեռացավ՝ թողնելով լուսավոր հետադիմ, գեղեցիկ ու իմաստավորված կյանք:

Ընդհատվեց քո երկրային կյանքը, սիրելի՛ Ամայա:

Մենք հավատում էինք (դու էլ էիր հավատում), որ կհաղթես դաժան ու անբուժելի ցավին, հավատում էինք, որովհետև դու ուժեղ էիր, կյանքին՝ սիրահար: Ծակատագրից խուսափել չի լինի: Անողորմ մահը խլեց քեզ մեր շարքերից: Խլեց կյանքը, բայց անունդ չի կարող. քո հիշատակը միշտ վառ կմնա բոլոր քեզ ճանաչողների սրտերում:

Ամայա Շիրոյանը ծնվել է 1952թ. հուլիսի 21-ին Էջմիածնի շրջանի Մուսալեռ ավանում: 1957թ. ընդունվել է տեղի միջնակարգ դպրոցը: 9-10-րդ դասարանները սովորել է Երևանի Ե. Չարենցի անվան միջնակարգում: Ավարտել է Երևանի Խ. Աբովյանի անվան մանկավարժական ինստիտուտի բանասիրական ֆակուլտետը: Մանկավարժական գործունեությունը սկսել է Ակնալճի դպրոցում:

1976 թ. ամուսնացել է տեղափոխվել է ԼՂ Ասկերան քաղաքը և մեր դպրոցում էլ աշխատել է մինչև կյանքի վերջը՝ վայելելով գործընկերների,

ծնողների ու աշակերտների սերն ու հարգանքը: Նրա մանկավարժական ողջ գործունեությունը նվիրում էր իր առաքելությանը: Իր սաների առջև բացելով կյանքի ու մայրենիի գեղեցիկ դռները՝ իր անձնական օրինակով սովորեցրել է լինել բարի ու արդարացի, ազնիվ ու կատարյալ, զգալ գեղեցիկը, գնահատել այն: Նա իր յուրաքանչյուր դասավորում էր խանդավառված՝ խանդավառվելով նաև մանկական հոգիները: Ընկեր Շիրոյանի խոսքը գեղեցիկ էր, ազդեցիկ, իսկ ծայրը՝ գերող, ասես շոյում էր լսելիքը, պարուրում հոգիդ անուշ երագով: Ուսուցչուհին իր հմայիչ խոսքով կարողանում էր դասարանը տանել դեպի անրջային, գունագեղ աշխարհ: Նա մարդկանց հոգեկան ներաշխարհը թափանցելու բացառիկ կարողություն ուներ, հեշտությամբ էր գտնում իր սաների հոգու բանալին, զգում երեխայի ներքին ապրումները:

Չափազանց նուրբ ու զգայուն, համեստ ու կուկիկ՝ հուսահատվել չգիտեր, օժտված էր գարնանային լավատեսությամբ, ուներ պատասխանատվության մեծ զգացում, խստապահանջ էր, բայց և մայրաբար բարի ու ներողամիտ, չունեցրեք նախնայություն: Անսահման էին հոգու սերն ու ջերմությունը: Բոլորի համար խոսք ուներ, կարեկցում էր դիմացինին, օգնում, ինչով կարող էր: Նրան կարելի էր վստահել ցանկացած պահի. թափանցում էր դիմացինի հոգու խորքը՝ հոգին դարձնելով գաղտնարան: Ուն գեթ մի անգամ բախտ է վիճակվել հարողորակցվել նրա հետ, չի կարող մոռանալ նրան: Նրան ճանաչողները գիտեն, որ նա հիանալի մանկավարժ էր, նվիրված կին, ընկեր ու բարեկամ, սիրասուն մայր ու հոգատար տատիկ:

Մնա՛ս բարով, նվիրյալ անձնավորություն, բարի ու ազնիվ ընկեր: Քո լուսավոր հոգին կապրի մեզ հետ, կապրես մեր նվիրական հուշերում:

Ասկերանի Էդոն Բարսեղյանի անվան միջնակարգ դպրոցի մանկավարժական կոլեկտիվ

ՁՍԵՌԱՅԻՆ ՈՒՍՈՒՄՆԱԿԱՆ ՃԱՄԲԱՐ՝ ԾԱՂԿԱԶՈՐՈՒՄ

Ձմռան մի պայծառ օր մենք՝ Ստեփանակերտի և 2 հիմնական դպրոցի «Բողոք» գրական խմբակի անդամներս (ղեկավար՝ Անահիտ Մեսրոպյան) հրավեր ստացանք Երևանի «Մխիթար Սեբաստացի» կրթահամալիրից՝ իրենց աշակերտների հետ մասնակցելու ձմեռային ուսումնական ճամբարին: Ես վարուց էի ցանկանում մոտիկից ծանոթանալ այդ կրթահամալիրին: Վերջապես իրականացավ ցանկությունս: Տեղյակ էի, որ արցախցիների և սեբաստացիների միջև ջերմ, բարեկամական կապեր են ստեղծված: Անչափ հետաքրքիր անցավ մեր ճամբարի ընթացքը: Ուրախ տրամադրությունը, երգն ու պարը, ծիծաղն ու խիճը ամբողջ ճամբարին ուղեկցում էին մեզ: Երևան հասնելուն պես մեզ ջերմորեն դիմավորեց կրթահամալիրի տնօրեն Աշոտ Բլեյանը՝ մի խումբ աշակերտների հետ:

Քաջքում այն բազմիցս ավերվել է նորոգվել է: Մենք եղանք այնտեղ: Այն անչափ տպավորիչ էր և հմայիչ:

Այնուհետև եղանք Օրբելի եղբայրների



տուն-թանգարանում: Ուղեվար Սիրանուշ Հալոբյանը մեզ մանրամասն ներկայացրեց նրանց անձնական իրերը, գործունեությունը և Օրբելի եղբայրների մոր դաշնամուրի անզուգական նվագով ուղղակի հիացրեց մեզ:

Տպավորիչ էր նաև Ծաղկածորի ծոպանուղին: Մենք տեսանք շատ զբոսաշրջիկների, դա-

հուկորդների և համարձակություն ունեցանք նրանցից հարցազրույց վերցնել: Պարզվեց, որ շատերը արտերկրից են եկել և նույնպես հնայված են Հայաստանի բնաշխարհով: Երկար զրուցելուց հետո իմացանք, որ նրանք արդեն երկրորդ, երրորդ անգամ են այցելում:

Երկու օրում հասցրինք շփվել սեբաստացիների հետ, մտերմանալ և միասին ուրախ երեկուներ անցկացնել:

Մենք մասնակցեցինք կրթահամալիրի Մարմարյա սրահում տեղի ունեցած ավանդական Մեդիաթատրաին: Մեր խմբի Դավիթն ու Մարին հիացրին իրենց հասարակումներով: Մենք էլ շատ բան սովորեցինք ու մեզ հետ բերեցինք:

Երևան հասնելուն պես ընկեր Սոֆյայի հետ այցելեցինք Սատենադարան, որտեղ առաջին անգամ են եղել: Եղանք Հովհաննես Թումանյանի թանգարանում, որտեղ ժամանակակից սարքավորումների շնորհիվ կարողացանք տեսնել նրան: Այցելեցինք նաև Մալաթիայի Աբովյանի տուն-թանգարան: Ինձ անչափ զարմացրեց մի հատիկ բրնձի վրա պատկերված նրա նկարը: Երեկոյան վայելեցինք գիշերային Երևանի գեղեցկությունը և Հ. Մալաթի անվան թատրոնում դիտեցինք «Սիրելի Պամելա» ներկայացումը՝ Նարինե Մալաթի թեմադրությամբ:

Վերադարձի ճանապարհին մտանք Վազգեն Սարգսյանի և Պարույր Սևակի տուն-թան-

գարանները: Մեր այցելությունը համընկավ Պ. Սևակի ծննդյան տարեդարձին: Դրա առթիվ այնտեղ կազմակերպված էր գրական երեկո, որին մասնակցում էին Պարույր Սևակ գյուղի բնակիչները, հարազատները և մտերիմները:

Ես շատ տպավորված և հիացած եմ այս ձմեռային ճամբարով: Խմբի ղեկավար ընկեր Մեսրոպյանի քրտնաջան աշխատանքի շնորհիվ կարողացանք մասնակցել ճամբարին և մի շարք նոր բաներ սովորել: Մասնակցեցինք զբոսաշրջության և բնապահպանության թեմաներով սեմինար-պարապմունքների, արցախցի բանաստեղծ Սոկրատ Խանյանի ստեղծագործություններով կազմեցինք էլեկտրոնային գիրք և հայտ ներկայացրինք «Դիջիթեք-2015»-ին:

Այս ամենի համար խմբի անունից խորին շնորհակալություն եմ հայտնում Ստեփանակերտի քաղաքապետ Սուրեն Գրիգորյանին, կրթության և սպորտի բաժնի պետ Կ.Սարգսյանին և մեր խմբի ղեկավար Ա. Մեսրոպյանին, որոնց հովանավորությամբ իրականացավ մեր ճամբարի հորդությունը:

Ունեա ԹԱՄԱՐՅԱՆ
Սուրեն Ա. Ղուկասի անվան և 2 հիմն. դպրոցի 8 «բ» դասարանի աշակերտուհի

ՐԱՅՏԱՐԱՐՈՒԹՅՈՒՆ

ԼՂՀ գնահատման և թեստավորման կենտրոնի կողմից սույն թվականի հունվարի 26-ից սկսված է միջնակարգ հասարակական օրագիր իրականացնող հաստատությունների (անկախ կազմակերպարարական ձևից) շրջանավարտների «Հայոց լեզու և հայ գրականություն», «Մաթեմատիկա», «Հայոց պատմություն», «Համաշխարհային պատմություն», «Քիմիա», «Ֆիզիկա», «Աշխարհագրություն», «Կենսաբանություն», «Օտար լեզու» (ռուսաց լեզու, անգլերեն, ֆրանսերեն, գերմաներեն), «Ստեղծագործական աշխատանք» առարկաներից միասնական և կենտրոնացված (2015թ. բուհերի ընդունելություն), պետական ավարտական քննությունների կազմակերպման գործընթացը:

Միասնական և կենտրոնացված քննություններին մասնակցելու համար շրջանավարտը (դիմորդը) պետք է լրացնի դիմում-հայտ:

2014-2015 ուստարվա շրջանավարտները դիմում-հայտը լրացնում են իրենց ուսումնական հաստատություններում, նախորդ տարիների շրջանավարտները, նախնական մասնա-

գիտական (արհեստագործական) և միջին մասնագիտական ուսումնական հաստատությունների շրջանավարտները՝ ԼՂՀ գնահատման և թեստավորման կենտրոնում (հասցեն՝ ք. Ստեփանակերտ, Մարտունի 97):

Միասնական և կենտրոնացված քննություններին մասնակցելու համար անհրաժեշտ է՝

- 3x4 չափի լուսանկար,
- անձը հաստատող փաստաթղթի պատճենը,
- «Արցախբանկ» ՓԲԸ «Վերածնունդ» մասնաճյուղում գնահատման և թեստավորման կենտրոնի 22311 008416500 հաշվի համարին յուրաքանչյուր քննությունը մասնակցելու համար փոխանցել 1500 (հազար հինգ հարյուր) դրամ և վճարի անդորրագիրը՝ կցել դիմում-հայտին:
- Միասնական և կենտրոնացված քննություններին վճարից ազատվում են հետևյալ դիմորդները՝
 - 1-ին և 2-րդ խմբի հաշմանդամություն ունեցող անձինք և մինչև 18 տարեկան հաշմանդամ երեխաները,
 - ՀՀ և ԼՂՀ պաշտպանության ժամանակ զոհված զին-

ծառայողների երեխաները, առանց ծնողական խնամքի մնացած երեխաների թվին պատկանող մինչև 23 տարեկան անձինք:

Վերադարյալ խմբերին պատկանող անձինք դիմում-հայտին կցում են համապատասխան փաստաթղթերի պատճենները:

12-րդ դասարանների աշակերտները պետական ավարտական քննություններին հայտագրվում են իրենց ուսումնական հաստատություններում:

Դիմում-հայտերի ընդունման և պետական ավարտական քննությունների հայտագրման վերջին ժամկետը 2015թ. փետրվարի 24-ն է:

Լրացուցիչ տեղեկությունների համար զանգահարել 97-40-51 հեռախոսահամարով:

«Գնահատման և թեստավորման կենտրոն» պետական ոչ առևտրային կազմակերպություն

<p>ԼՈՒՍԱՐԱՐ ԽՄԲԱԳԻՐ՝ Ս. ԽԱԶԱՐՅԱՆ</p>	<p>Հիմնադիր՝ «Լուսարար» ՓԲԸ</p>	<p>✉ Ստեփանակերտ, Հ. Թումանյան փ. 95, ☎ 94-38-99, E-mail: gorcert@mail.ru: www.lusarar.info</p>	<p>Մեջբերումների եւ փաստական տվյալների ստույգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում:</p>	<p>Տպագրվում է Ստեփանակերտի «Դիզակ պլուս» ՍՊԸ-ում: Տպաքանակ՝ 3150: Ծավալը՝ տպագրական 2 մամուլ: Ստորագրված է տպագրության՝ 30.01.2015թ.:</p>
---	--	---	---	--

«Լուսարար» թերթը տարածվում է միայն բաժանորդագրությամբ: